


上



鄉賢

宋

姜唐佐字公弼瓊山人從東坡先生學先生甚重其才嘗跋其課冊云雲與天際歛若車蓋凝目未瞬瀰漫灑霽驚雷出火喬木靡碎殷地蕪空萬夫皆廢懸溜綆墜日中見沫移畧而收野無完塊蓋極狀其文氣雄偉磊落倏忽變化也後遊廣州學有名中鄉薦崇寧二年隨計過汝陽穎濱亦稱其氣和而言適有中州士人之風



王霄字霞舉儋州人嘗事蘓文忠公筆硯間年餘七十發貢至京住辟雍者三年建炎初歸鄉潛德不仕李光以宿學稱之年至九十六衆推爲鄉先生諸後進多所觀法郡守以聞授初品官陳中孚字子正吉陽人紹興間知萬寧縣黎賊犯城居守有勞擢知昌化軍政舉民安子通繼守昌化有善政時人榮之

符確昌化高麻人沉靜好學博通經史平居嘗以天下事自任大觀二年發鎮州解三年登賜同

進士官至承議郎守韶化二州

裴聞義字子遷吉陽人瑒之子紹興間以廕補知昌化軍有善政歷九年卒於官士民號慟

陳字瓊山人嘗從郡守建陽宋貫之學得官以歸由是鄉人慕之始習進士業瓊人舉進士本字始

陳應元字景仁瓊山五原人七歲能屬文年十八授徒鄉校舉瓊學掌閣登紹定己丑黃樸榜進士初尉徐聞秩滿僉書昌化軍漕使顏玳辟宜

倫令尋改番禺李昂英徐清叟童槐李曾伯交  
章薦之辟倅雷攝僭隨所至有聲學行政教爲  
瓊士先

元

蔡徵字希鉉號止菴宋學士襄之裔居萬寧後遷  
瓊山通經史善文辭知縣李思迪稱其文謂海  
南儒者未能或之先先任樂會學校官後攝瓊  
郡學事值時不偶遂隱德弗耀纂瓊海方輿志

明

唐誼方本名遜字誼方瓊山東廂人元郡教授  
閻之孫篤儒學有古行元末累辟辟明首舉經  
明行脩拜郡庠訓導有規範永樂間詣闕請老  
太宗竒其狀貌容止曰此老回去還有十年壽  
門有祖植古榕常休憇其下雨則躬循田畝他  
媵有敗者亦爲塞之代貧乏嫁娶鄉里稱榕樹  
公真長者姪舟少從筆硯後歷官內外臺奉書  
問安誼方答之詩有云勿憂吾有病且喜汝無  
錢舟率以清節鳴時永樂乙未卒壽七十七果

符十年壽之數

張善教瓊山人萬戶賢之子領洪武丙子應天鄉薦授岑溪諭丁內艱永樂間改沙縣諭學行粹潔未踰年士皆從化倡諸生以新文廟縣父老聞之欣然來助後致仕建濱淪亭與趙謙王惠楊升咏賞爲一時重

唐舟字汝濟瓊山東廂人英之子英博通經史百家之學嘗築義學教鄉子弟十餘年不計束脩人號其居曰東善外戚有立券假金五十市馬

入驛後負償英即焚券不較歲饑寧其粥菜必盡所有以賑餓者後果生舟舟學贍才優革除年間壬午鄉試永樂癸未復試皆中第二名甲申舉進士授新建知縣始至簡易御下若尋常然久名愈著有問其故曰古人所謂新任如處暗室輕動必有觸損久坐自明未幾應求賢詔起赴京陞江西僉事整肅紀度郡邑承望風采後以微累降判衢郡即折憲節盡安輯撫綏之道以非辜從戎衢人思之不已仁宗登極大臣

首薦爲監察御史即抗辯內侍陷黃本固等數  
事風節愈勁凡按浙江等處多政譽爲人胸懷  
坦平光明無纖芥畛域待已接人一以自信自  
登進士敷歷中外餘三十年所至有冰蘖聲嘗  
題門帖曰雪霜半染中年髮天地應知夜暮心  
見者嘆服及歸杜門不出家無擔石之儲處之  
晏如鄉議高之年八十二無疾而終子亮登進  
士官至同知

王克義瓊山海口人永樂丙戌進士授崇仁知縣  
尋爲建昌桂官所至廉能

徐祥萬州人世本常山父官稅課局生祥而還鞠  
於母孤苦力學登永樂戊戌進士知歙縣以母  
垂白不忍遠離遂隱居而卒州人登進士自祥  
始祀于祠

入修

林茂森字良才臨高人少孤事母孝甘貧力學博  
極羣書領永樂辛卯鄉薦任武宣諭勤於課士  
以母老辭歸養家居孝弟勤儉訓家塾及鄉子  
第暮年手不釋卷嘗校註方輿儒林一覽行於世

馮宣萬州人問學該博中永樂癸未鄉試授官唐  
府紀善風節自持尤善詩賦王雅重之及歸惟  
圖書數十卷子謙正統辛酉鄉舉授岑溪諭轉  
巴縣所在士風丕振祀于祠  
薛遠字繼遠前所人前工部尚書祥之孫正統壬  
戌進士授戶部主事陞郎中以迎復功擢本部  
侍郎陞尚書沉潛有猷爲善處煩劇而通變就  
事六卿中多推之改南京兵部參贊留務賜玉  
帶卒贈榮祿大夫太子少保

邢宥字克寬號清立文昌水北人宋知軍夢瑛之  
裔少遊邑庠爲曾先生蘭所重登正統戊辰進  
士任四川道監察御史景泰初治宦者王振黨  
獄督通州糧實立府即有職能之譽後屢出按  
於福建則排鎮守尚書薛希理延年鎮東二衛  
互易之議緩犯禁入海數十人疑獄奏留八郡  
赴部匿後築永安等四城於遼東不從都御史  
寇深柳副將焦禮邊功之囑於河南奏革循河  
出穎達南京數十驛隨在聲稱赫然天順庚辰

陸知台州實以矯弊民甚信服居四年兩以巡  
按時事就逮民赴京告留竟坐是降尹晉江未  
三月會赦復職改蘓州蘓俗素過侈亦以誠朴  
成化乙酉郡大饑則貸甚勤發官儲勸富民活  
饑民殆四十萬口公帑不空富室無擾荒政之  
最善者至刑名錢穀上供迎送調發諸具繁夥  
素號難辦處之裕然而成提泰游藩仍知府事  
後數月遂進在僉都御史巡撫南畿分理嘉湖  
杭三府糧儲提督屯種戊子理兩浙鹽法己丑

考察文武官負前後奉勅五道雖皆勉副重托  
然聲名頗減於治郡時庚寅議事上京再上章  
始得致仕宥稟性廉介於人不少假借外樸尚  
明好讀書於詩文不苟作作必有意趣字亦道  
美有法處家庭孝友田產多讓弟歸休囊橐蕭  
然如書生時惟田圃是樂足跡未嘗至城市鄉  
評自唐宋以來海南人物罕見所著有湄丘集  
丘濬字仲深瓊山人祖普性仁愛專事濟利物  
宣德甲寅郡中大饑白骨遍野業有第一水橋

地捨爲義塚躬求全軀瘞之纍纍凡百餘每至  
清明則灑以杯酒糲飯年享遐壽人謂天報矣  
父傳早卒母李氏守志訓之濬生有異質讀書  
過目輒成誦六歲信口爲詩歌語皆警拔如咏  
五指山詩識者知其必爲國器稍長博觀羣籍  
每借諸市肆雖釋老伎術亦所不廢年十七始  
習舉子業落筆爲文數千百言立就覓出倫輩  
弱冠著論謂許衡仕元無能改於其俗必不能  
行已之道雖不仕可也耆儒碩師深服以爲先

儒未有言及此者正統甲子首舉于鄉主司公  
錄其五策兩試禮部名在乙榜卒業太學祭酒  
蕭鎡深器重之爲之延譽繇是名益重景泰辛  
未告歸所與厚者咸贈以詩編修岳正知其後  
必大成作序以送之甲戌復試於禮部學士商  
輅主試事閱論策即意其爲濬及揭名果然廷  
試當魁後寘第二甲第一選入翰林爲庶吉士  
者十八人濬爲首被命修寰宇通志海南衛官  
軍苦遠調天順七年濬奏免專防海黎賊寇上

嘉納之至今武弁歲祭八年憲宗登極克經筵  
講官成化元年陞侍講命與修英廟實錄三年  
成進侍講學士經筵丁母憂九年服闋復原職  
十三年續修宋元綱目成陞翰林院學士十六  
年加禮部侍郎仍掌國子監事復以西山真德  
秀大學衍義有資治道於治國平天下之事缺  
焉乃采自古來經傳子史有及於治國平天下  
者附以已見凡一百六十卷名之曰大學衍義  
補命付書坊刊行會修憲宗實錄克副總裁官

弘治四年成加太子太保復三疏求致仕不允  
本年冬無文淵閣大學士入內閣復三疏固辭  
不允七年加少保兼太子太保改戶部尚書武  
英殿大學士以目疾辭不允八年薨於官訃聞  
天子嗟悼輟朝一日賻寶鈔一萬貫贈特進左  
柱國太傅謚文莊正德初武宗素知其名命孫  
當廕尚寶司丞卒復以曾孫郊繼其官賜額祀  
于鄉曰景賢祠即附宋學士蘇軾額祀以風示  
天下凡近世文臣生死承恩眷之隆實前此所

未有者何喬新稱嶺南人物自唐張九齡宋余靖崔與之及濬四人尹直贊曲江其師東坡其匹世以爲知言云

丘敦字一成文莊公長子性簡默塾師疑其癡濬遭喪留敦在家敦乃盡讀所儲書非有事足跡不涉公府對人不出一語服闋屢書趣還京師以廕錄爲太學生挾春秋藝試京闈下第遂屏去舉業研究經史百家酷嗜素問著醫史有運氣表言皆有補於世時見李廣輩將復成化故

事又作癸豕論以攻宦者蓋取莊子詩禮癸豕之義設爲甲乙辯詰之辭季子京字峻成以廕授中書舍人性習仁愛重義樂施瓊州經二大征後白骨徧野盡收而瘞之時疫大行施良劑以救活者甚衆有曾孫之風焉平居罕至城邑有司重之敦孫郊字汝賢亦以廕授尚寶司丞事祖母及母以孝聞與其弟祁友愛尤篤祖業有膏沃者讓諸祁祁不肯則曰我有官矣宗黨皆多其義

王佐字汝學臨高人少受業於丘濬弱冠正統丁卯以禮經魁鄉薦游太學爲祭酒吳節司業閻禹錫稱許監試每擢爲首延譽於內閣李賢冀其大發後試南省五策條答無遺本房欲寘魁選爲忌者所黜成化初授高州府同知時都御史韓雍用兵兩廣佐獻策平戍用之動中肯綮雍竒其才甲午改邵武臨江所至以廉操聞不能隨時俯仰故低徊閩廣江右三省諸郡二十餘年一官不徙衆皆惜之平生雅澹唯耽書史

至老不釋雖眊曠猶使家人讀而聽之提學所喻胡榮稱其博學多識精思力踐見道精審詩詞和平溫厚文氣光明正大當比唐宋諸大家識者以爲確論所著有雞肋集經籍目畧原教編庚申錄瓊臺外紀其進御則有珠崖錄世稱其文行年八十五卒

曾瑁字德玉萬州人幼孤篤學年十三爲郡庠生家有遺券焚之景泰丙子舉於鄉倉大使羅紀坐累妻適亾託以二女瑁穴門乞食比事白酬

之一無所受成化甲辰知永嘉多惠政有母訴  
子不孝尋自悔持百金爲子贖罪瑁嘆曰父母  
愛子人心所向遂揮金而釋之後補懷遠以子  
鎰登第遂致仕卒年踰七十

曾鎰字時重登弘治癸丑進士授南京戶部主事  
嘗儲中都有守支官旣去無羨坐法當死鎰爲  
區處獲免及期當代府衛官軍赴部保留再督  
一歲尋監浙場課歷員外郎中歸省卒于家

沐宗哲字執中瓊山人天順壬午舉於鄉知巢縣  
授肅湖河泊官却夜金五百兩巢泛溢病浹指  
俸造浮梁禱城隍蝗不入境虎啞人文告山靈  
虎斃淮安士民訴父寬輒曰願得巢令訊無憾  
也子汝常亦舉鄉試知仙遊

馮顒字有孚瓊山人登弘治進士歷官戶部郎中  
巡歷古北九江抽分以能謹著忤觸逆瑾改湖  
廣監察御史誣陷憤激卒于官世廟欽賜諭祭  
一壇

王仕衡字秉銓定安人少孤貧力學有大志領鄉

薦遊大學丘文莊器重之弘治間選中書舍人  
侍衡王審理副再陞右長史青縣多火尸爲立  
義阡收葬正德年丁內艱起任岷府修武宗實  
錄人有不義者以百金易其名不受奏革定安  
驛站并減艾畝災傷田糧致仕家居八十卒祀  
鄉賢

韓浚字克彰文昌人性寬厚有制登弘治進士主  
政刑曹陞副郎以忤劉瑾黜瑾敗起祠祭司轉  
刑部正郎河南憲副考天下廉能第一卒於官

囊無餘積祀鄉賢

唐胃字平侯幼穎敏博通經史百家弘治戊午鄉  
試壬戌會試皆占禮魁授戶部山東司主事丁  
父憂值逆瑾竊柄歸瑾誅授戶部河南司主事  
屢疏諫差內臣蘇杭織造又請爲宋死節趙與  
珞追謚立祠尋陞本司署負外郎廣西提學僉  
事遍覽羣書以迪多士陞雲南副使擒橫虐  
官莽信覈貪狼知縣趙九臯陞叅政右布政  
入覲陞廣西左布政使尋陞右副都御史提

南贛汀漳等處軍務改山東巡撫陞南京戶部  
右侍郎轉陞本部左侍郎時議征安南胄疏言  
事體決不可征武定侯郭勛欲其祖配享又議  
沮之戊戌夏議明堂享禮忤旨罷歸是冬詔復  
冠帶胄秉性耿介素以器識自負孝於事親所  
著有瓊臺志江閩湖嶺都臺志西洲存稿萬曆  
四十二年卒部院請謚侯旨子穆嘉靖進士禮  
部員外郎爲人古雅數朴有父風卒于官所著  
有餘學錄

陳實字秀卿弘治進士逆瑾用事家居足跡不入  
城市瑾敗授南京江西道御史時內臣趙蘭保  
珠合浦剝民黷貨實劾罷之改北道御史出按  
徽寧諸郡有權宦強取蕪湖民葦洲爲業實論  
奏還民於是出爲常州知府有古循吏風歲大  
稔發郡倉粟不給則出堂食銀數千濟之存活  
甚衆時士習日窳實建道南書院郡諸生講習  
其中嘗曰學重養心尤莫先於辯義利人以爲  
名言捐俸二十金爲郡士宋璟諧其夙姻後成

進士撫按交薦尋卒于官所著有虛菴集祀鄉賢

蔡士儲字鍾秀質粹行純博通羣籍年十八爲人傳經有河汾之風郡邑欲周其貧不受高雷士越海從之正德領鄉薦遊大學嘗發人心道心之旨及義利之辯祭酒湛若水深服之衆政林士元稱爲明道先覺潛德化鄉云

蔡伯祥字景和瓊山人正德年由鄉薦任翁源訓郡守周敘延就府館選各學諸生從講授二年

卒士林惜之

鍾芳字仲實崖州人明之子成化間有土舍陳姓者持數百金止於舍傍舍卒忘去爲奚童得歸致之明妻彭氏及夕陳躡號至曰吾死矣吾死矣明詢其數合出還之陳拜蠲金以謝明不受芳自少撫育於外親冒姓黃後始復之改籍瓊山正德戊辰以進士改翰林庶吉士授編修尋調寧國推官遷漳州同知精於吏事有政績入爲南京戶部員外轉吏部郎中遷浙江提學副

使尚名檢士風爲之一變轉廣西叅政法虎諭盜誅叛平寇屢有軍功尋擢江西布政司使區畫藩祿軍需悉得大體陞南京太常寺卿疏言祭告禮稱旨進南京兵部侍郎改戶部總督太倉經畧邊儲漕政大舉南都太廟災請修省以回天變語多剴切遂致仕居家十餘年有干以私者謝曰吾守志循娶婦豈以晚而改節哉卒贈右都御史賜祭塋芳性簡重寡嗜欲學博而精雖律曆醫卜之書靡不通貫所著有學易疑

義春秋集要皇極經世圖讚古今紀要崖志畧小學廣義養生舉要及詩文二十卷隆慶壬申倭犯瓊掘其墓忽雷轟如將霹狀倭棄鋤畚奔瓊士作天威佑德卷紀其異子允謙讓恩廕於從子鄉人高其義登嘉靖進士知寧海縣稽飛稅均丁糧復塘欄以滋灌溉權刑部主事歷陞知福州府有惠政丁外艱歸起復補知萊州卒于官與父同祀鄉賢允謙子儲溫和純厚事繼母得其歡心尤善處兄弟可謂不失世訓者矣

會鵬字元翰父英以鄉薦宰茂名清苦愛民鵬登  
嘉靖進士知龍溪兵荒相仍乃緩征斂捐俸修  
學築八都諸堤有惠政民立石頌焉擢刑部主  
事歷福建副使辯寬如神改貴州兵備旬月間  
平土寇蒙越之亂招降蠹口賊阿向適鵬晉叅  
政未行分守欲自以爲功率衆襲賊全軍覆沒  
撫臣恐急檄鵬終其事至則單車入賊壘賊駭  
曰聞公已遷今猶在耶鵬爲言禍福遂解兵聽  
約束未幾以足疾乞休疏三上不許入覲時武

定侯郭勲用事外官多餽遺者鵬曰吾平生不  
能阿諛今老矣柰何白首改節哉會有啣之者  
遂歸海忠介稱鵬爲八輩師法祀鄉賢

林士元字舜卿登正統進士授行人奉使冊封唐  
府餽金六十鎰卻不受擢南京戶科給事中劾  
光祿少卿史俊怙勢殺人都御史汪鉉考察不  
公無功罷內外不職者數十人仕路爲之一清  
條陳時務先後數十疏皆極剴切尋擢湖廣副  
使備兵衡永江華流民與老戶爭田構兵連年

禍延諸郡士元單騎入諭以利害遂息吏部郎  
中鄧尚義弟挾制守令侵牟里黨按以法轉廣  
西叅政分守蒼梧戍戍征大藤峽士元督餉紀  
功有貴勢子弟希報功次絕不假借捷奏擢浙  
江按察使未赴以憂歸遂不起晚年居家或戴  
笠躬耕所著有大學中庸孟子衍義讀經附錄  
孔子世家顏子列傳討論北泉論草及文集十

卷祀鄉賢

陳大章字昭達中所人正德中鄉試訓漳州諭安

仁尹竹谿有政教聲以終八家居杜門誨子郡  
守張子弘雅重之享年七十五

陳常字時勉少孤貧讀書不為記誦夜坐沉思有

所得即書之每觀中庸至廢寢食語人曰中庸  
無所不貫吾人終身受用不盡正德領鄉薦任  
化州學正督學魏校歐陽鐸俱重之屬校兩漢  
書以憂補寧州擢知桂平三年罰鍰不入已上  
官派貨屬邑令鬻之常曰蓋聞瘠已肥民不聞  
虐民媚上竟以去位士民法送之舉祀名宦常

性嚴恪處屋漏如對大廷不少放恣鄭廷鵠稱  
常篤實務學不近勢利皆實錄也

陳應辰常之子字思齊性資端謹庠校中每推德  
行尤長於詩文執父喪三年廬墓常市鱸商有  
錯加者追而還之好施予戚屬貧乏多所周濟  
不忍傷物雖微而烏窠蜂房必戒護之辛酉貢  
授古田司訓以內憂起補臨川多曲成士類轉  
代藩教授卽拂袖歸家居十一年貧窘甚晏如  
也每題柱曰書本看來多少益菜根咬得有餘

香卒年七十有五

年修僑州貢生先知新城繼補雲都民咸愛之後  
以母老乞休百姓懇留不獲爲之製碑立祀於  
祠歷任俸餘捐助宗黨祀鄉賢

汪有執字義甫右所人事繼母以孝聞領正德鄉  
薦知海門陞通州守河間同知戶部副郎後去  
任家居十餘載絕跡公門享年八十

趙志科文昌人中嘉靖鄉試姓劉後復趙以母老  
侍養不任性恬淡榮利無染結廬山中歌咏自

樂周守柳塘扁旌曰清修博雅云

吳敬字復初瓊山人性孝義少遊邑庠當廩逢內  
艱輒惻然不忍就其季子死於車輾車家以費  
求免固卻之里中譁訟廢學乃構精舍行朱呂  
約演四禮勸說之祀鄉賢

吳會期字行可篤行古道鄉薦時僉憲汪鉉以所  
罰黎民悅七十金爲餽會期受而還之悅登嘉  
靖進士授南京戶部主事轉工部郎中營九廟  
稱旨嗣修七陵內侍高宗冀營私橐會期不與

既告成省費十五萬進正四品俸服時嚴嵩當  
國欲期附已私語期同官熊姓曰此郎視京堂  
若固有足不一至吾門何迂也期聞之作迂思  
解嚴益嫉之言者承嚴意旨論摘於外遂拂袖  
歸立家廟置義田日與親族相勸規海忠介稱  
貌古心實云

陳天然字汝中孝友溫惠有雅量登嘉靖進士授  
戶部主事兩督倉儲監鈔九江俱以廉節著歷  
陞鎮江府知府適遇荒旱而洲灘虛稅爲民累

天然至輒爲釐成江寇倡獫厲兵備禦郡賴以  
安故事需用科派里甲天然盡革之爲置公田  
租入取辦捐俸立學田賑貧士李僖冉信等例  
士曹大章屈于格天然器之力爲薦拔連魁南  
宮廣東僉憲劉絃齋表入賀中途遭危疾極力  
調護後卒爲殯殮歸其觀居官性捐介不能俯  
仰要路改知永州府丁內艱歸家居親賢下士  
詩酒自適兄弟故舊貧乏者必周貸無靳至焚  
雷蕭各券拜祭師墓卓有古風所著有自所遺

稿祀鄉賢

余宗梁字景山前所人登嘉靖進士少負奇節博  
極羣書知新昌賑大祲毀浮屠改建社學諭盜  
歸氓擢南京戶部主事轉正郎卒

吳誠字明卿性敏嗜學領正德鄉薦教柳州城按  
院督學重之教授贛州晉知龍南釐夙弊釋寃  
士馮堯之獄除流賊致政歸士民遮道扳留家  
居城市不出誠少孤有姑適李舉人二十四而  
寡歸鞠誠如子姑卒誠服三年喪人兩義之每

遇考妣忌辰哀痛竟日姊年八十迎養沒葬悉從厚道所著有鴈峯集

鄭廷鵠字元侍少警敏從塾師海受句讀海竒之妻以女未幾領鄉書登嘉靖會試第三主政水部調儀郎尋改吏科給事中晉工科左給會京師地震上便宜四事俱關宗社至極所畫筴類爲國建長利嘉靖庚戌校易禮闈一時出門下者皆海內名士張文毅公服有人倫鑒薦江西學憲江西大藩士以難進故間啓倖門公一切

裁之以功令增白鹿書院田修洞志奏最晉大叅以毋若乞終養築室石湖著書自娛毋歿終喪部使者推轂不起卒年五十有七諸所撰次若易禮春秋說蘭省按垣學臺石湖集瓊志稿凡若干卷祀于祠

參士衡字平卿性剛方動遵矩矱領嘉靖壬午鄉薦知德化判南寧所至有政聲致仕鄉居雅存古道年八十卒德化縣舉祀名宦

李應和字仲節嘉靖鄉薦授臨海教諭陞徽州教

授尋署府篆賑饑條上數事皆一時長計擢南  
監助教以老乞歸所著有讀書杪木齋集

黃顯字仁叔嘉靖辛丑進士授刑部主事多所平  
反中貴呂洪賦罪雪總兵沈希儀誣誤者不  
爲當軸屈出守撫州罷築千金陂以獲民困定  
遺數萬而刻核不及於下郡民立祠祀焉以憂  
歸補池州尋擢湖廣副使時嚴嵩方用事遂乞  
休歸子弘宇弘憲俱知名

黃弘宇字震祥少受學於霍尚書鵠年十七舉順

天鄉試登嘉靖進士授戶部主事督運昌密陽  
五難三便鹽稅南都出守武昌作政約諭僚屬  
一意廉靜楚藩以事餽黃金百兩不受景王歸  
奠使入以禮諭中官復下令曰護軍敢譁吾境  
者執之旣過卒無敢譁者凡興利革弊恤獄賑  
饑俱有聲人覲首舉卓異尋擢四川副使浙江  
叅政以憂歸服闋陞見失儀致仕

黃弘憲字賁祥嘉靖舉於鄉令南康有葉楷者贛  
湖巨寇憲條可補治狀撫院江一麟允行之檄

鄉民剽其窠穴江爲具奏擬五品俸服調知安  
遠以憂未任旣復補懷集屢有禦寇功撫按交  
上其功欲大用之以病卒

陳茂芳字仲敏定安人知縣不顯子少穎悟博學  
通經史九歲能文十五歲應舉時以神童目之  
弱冠中嘉靖鄉試名節自勵授清豐諭歷知龍  
岩縣民德之祀生祠蔡夢說龍岩人按瓊思其  
舊政立坊表曰清朝廉吏祀鄉賢

程大慶字子壽領嘉靖鄉薦少孤篤學平生無疾

入公門半不釋卷居喪不肉食藥處無懈容初  
筮仕嶧令值大祲請蠲逋賦四千餘金招墾荒  
田五十餘頃俸入盡以資賑濟再令安溪門不  
通風巨室斂服擢安寧守值滇獍竊發賢卿出  
奇兵單騎截之時擒巨滑李斌不避黔國威庇  
威名日震擢貳平越剿撫平樂二十餘寨且才  
長謙決積疑無案惜未大展卒之日以二帶易  
棺櫬歸遠近慟惜子章玉領鄉薦博洽多聞克  
世其家

張紹美瓊山官隆都人也厥考自軒先生以戴禮  
魁東粵因授禮焉童誦輒通大意十七補郡弟  
子籍籍有聲居家孝友食餼郡庠屆貢前一月  
而卒時論傷之具詞追稱遺行郡守黃公督學  
商公重之考錄實蹟特賜孝行崇祀鄉賢照  
憲綱冊附入

按此舊誌不載據謂照  
未矣夫居家孝友屆貢前卒詎稱遺行遂  
災梨棗而辱馨香與  
後之君子當有定論也

郡博士南海朱子虛謹識

之徵掌書院遷知淳安深念民瘼節省備至分  
宜相黨鄢懋卿以都御史經理八省釐政諸縣  
盛供帳至淳安瑞曰邑小民貧不足以奉車從  
待之簡約且按其生事者懋卿深邨之會瑞轉  
判嘉興鄢囑御史袁淳摘以他事從舊職調興  
國權戶部主事世宗恭尚清修久不御朝瑞抗  
疏直言天下第一事凡數千言上覽之大怒擯  
其章於地留中不下踰數月乃逮詔獄及世宗  
上賓穆宗詔出之復其官改大理權僉都御史

夏... 卷之... 三

巡撫應天豪強墨吏望風斂戢吳故有松江入  
淤爲陸而常熟白茆港河道日湮瑞疏濬之身  
乘小舟督畚鍤不暮月告成民忘其勞並活饑  
民數十萬及清丈三吳田土豪右受獻者悉以  
還民於是構怨遂改官歸里居十五年前後薦  
者無慮十餘疏萬曆乙酉陞爲南僉都御史尋  
晉南吏部侍郎擢右都掌南院議革有司諸冗  
伎冗費極言軍民利病時御史房寰督學南畿  
物議沸騰瑞欲糾之會寰覺先疏詆瑞觀政進  
士諸壽賢等抗言寰故誣瑞欺罔俱寢不下瑞  
亦屢疏乞歸不許丁亥卒贈太子少保諡忠介  
諭祭堊瑞清苦異常始終如一雖官歷六卿編  
茅自處環堵蕭然俸祿所入自給之外悉周族  
屬之貧者子姓不戢必鳴之官未嘗假借所著  
有備忘集淳安政事稿

陳傅嘉瓊山人孝友樂施貢赴京殞志友于途而  
資其僕歸訓詔安捐俸助貧生時倭犯城嘉令  
僕善弓矢者射殺數賊詔令欲上其功志決告

休力止舉祀名宦

劉裁正字伯傳瓊山人領鄉薦天性孝友居家貧財不私妻子與人交嘗推心置腹未仕而卒

王時元字遇春逸士用之子也樸茂謙恭篤志力孝嘉靖甲子領鄉薦授知東安首釐積弊如查盤鹽船尤爲利孔悉申革暇與諸生揚榷疑義遷常德判水蘖益厲寃獄久不決者立洗之值大饑賑以饘粥存活數千人聞內訃歸餽賻皆謝弗受僅一歲往陵邑卒所著有四禮集童訓

王贊襄字辰台澄邁人生有異質穎悟英敏讀書過目成誦嘉靖己酉鄉試以禮經舉亞元藩憲諸司爲加冠禮隆慶辛未考選中書第一授內

閣制勅中書舍人進青宮十三規使閩特賜璽書褒美陞大理寺右寺副奉勅馳封陞戶部員外郎以內艱旋恬養十餘年著有澄原稿畧

陳表字子仁文昌人性慤行端領嘉靖癸卯鄉薦授書里中上議兩臺請革長岐賓宰二驛歲減銀七百兩甚爲民便任桂陽知州濟貧生核侵

冒省冗費疏塞採礦桂民德之尋還岷府勇退  
宦歸無異寒素

王汝爲字子宣賦性剛方學稱博洽嘉靖辛酉鄉  
薦爲貴縣教諭有蘓湖風丙子克貴州鄉試同  
考試官陞鄱陽縣厲精爲治宣恤民隱竟以正  
直難容乞休歸囊橐如洗性尤友愛厚事兄嫂  
捐貲贖弟里巷稱之詩文力追古雅有潯懷集  
存塾稿撫絃餘韻

黃可久會同人庚午鄉薦任湖廣黔陽縣居官循  
良處家仁讓捐八百餘金買土名大益田二十  
二丁爲義田賑濟饑寒呈縣勒碑

王弘誨字紹傳定安李家入少穎異博觀羣書日  
記千言弱冠登辛酉解登乙丑進士選庶吉士  
時忠介海公以極諫忤旨廷杖瀕危極力調劑  
尋陞檢討編修克會試同考官所取皆名士張  
江陵竊權作火樹篇春雪歌譏之陞春坊諭德  
掌南京翰林院事瓊士每赴雷陽考試有渡海  
之險疏改海南兵備兼提學考校瓊南十四學

儒生至今稱便陞國子祭酒南京吏部右侍郎  
轉北京禮部無翰林侍讀學士經筵講官加太  
子賓客吏部左侍郎掌詹事府教庶吉士克會  
試副總裁品操精核登錄極海內一時之選陞  
南京禮部尚書上疏請建儲朝講等六事因病  
乞休疏數上得旨回籍復起補職引考滿例致  
仕表正間里有尚友堂稿南溟奇甸天池草傳

世三場祭

梁雲龍字會可瓊山梁陳人少貧力學於萬曆癸

未成進士授兵部武庫司主事成于典試貴州  
所取多名士大司馬鄭公洛經畧臨洮雲龍贊  
畫建言絕甘涼假道以扼川海之吭果奏奇捷  
壬辰春晉副憲治兵井陘旋調天津天津故京  
師咽喉時倭侵朝鮮勢甚猖獗有增設邊防之  
議雲龍持以宜協將帥固守罷敵臺陷阱所省  
費數十萬進參政治兵開原巨寇繫頸受成功  
着紀錄調隴右分守備兵莊浪會土營魯氏橫  
恣不法奪其營務遂中蜚語以參政聽調然遵

例候代尚從六司馬經畧而河松山之役二十  
年盤據一旦盡空恢復允吾一帶故地三千餘  
里無何解任抵家以敘前後邊功復原任進布  
政使補分守荆南壬寅以征苗功荷褒獎楚藩  
變起就陞湖廣巡撫擘畫楚事親藩懃蒞盞蒞  
等五人欲寘大辟時論難之上從其擬丙午卒  
於官贈兵部左侍郎賜祭塋祭文見墓誌

陳大有家貧篤學古樸端方領嘉靖鄉薦令常山  
革常規有善政至今常山人思之有生祠祭田

### 同聲錄

陳大烈字允成領隆慶鄉薦處州司訓當道委署

慶元龍泉二縣篆一塵不染丁艱復起補訓泉  
州陞武義令民生立生祠陞烏撒同知恬退歸休  
居家睦族一味清修祀鄉賢

蕭成字子韶崖州所人少喪母同母弟亦幼繼母  
陳氏生第二人獨私愛之成自少至冠備極友  
愛陳氏感化及領鄉薦任甌寧諭丁艱歸父遺  
田產讓與次第又捐已金造屋與陳氏二子居

馬次第應試溺於海遺有男女爲婚嫁無異已  
子憐人死不能殮爲具棺葬之賊李茂反人多  
棄城逃去成曰汝等去城誰與守晝夜同州官  
巡城州里德之

王天麟字文瑞隆慶舉人知江西贛縣入覲途遇  
李氏女鬻於陳號啼欲赴水麟慨然捐貲五十  
贖還其母丁外艱卒于家

吳舜之字義卿景暉孫澄邁人領萬曆鄉薦任海  
澄諭後擢武緣知縣卒於官

許子偉字用一孤貧力學登丙戌進士授行人尋  
擢兵科給事中轉吏科右抗顏諫諍直聲大著  
捐金創瓊州會館明時鄉紳羈放稱便告病歸  
籍假滿補戶科右彈權貴忤旨謫銅仁府經歷  
遂歸養母戚里貧乏多所賑給值黎寇猖獗移  
書當事倡義敵愾內使開採珠船科派瓊珠役  
以萬計子偉力言得減置義學於僑耳開敦仁  
書院於郡中中外疏薦起用未報卒著有諫垣  
錄廣易通敦仁編鄉人請祀明昌塔配丘海二

先生見祀鄉賢

陳應龍字時見天性孝友值父罪哀鳴願以身代  
當事憐釋之家貧舌耕門生楊瑾自海北來受  
業病死捐棺殮領萬曆鄉薦判嘉興督理織造  
洗舊例以不逢時罷歸

何其義字乃仕少英穎登萬曆進士知政和別蠹  
釐奸捐俸募建學宮以異等調繁上杭冰蘖自  
矢杭人尸祝之丁內艱起擢戶部主事司太倉  
革一切陋規捐貲創瓊南會館以便瓊之赴京

者壬子簡督儲通州卒于署

陳邦禎字德興少失怙恃依戚黨以成立苦志篤  
學有憐女挑之峻詞固拒不戒魯男子風以歲  
薦訓高涼郡守李序嘉其行誼督學交簡亭羨  
其藝文官六載囊橐蕭然

謝應華坦直慈祥事親盡孝第被擄傾產取贖訓  
天台諭詔安教授南雄垂蕪湖道範食貧課子  
龍文成崇禎戊辰進士瓊士稱有書香焉

許益光字可大湖廣瀏陽知縣孝友天植讓祖業

以遺兄弟捐已奩以嫁姪女計諸逆旅捐貲殯  
貢友林儀爲知瀏水玉自持以往丈民田卒民  
哀如喪考妣祀名宦垂楚乘孫暉斗領鄉薦食  
報未艾擬祀鄉賢

潘之楫號寰瀛瓊山人少負才名天性篤孝生甫  
週歲母孀居撫楫長出就傅母每留餘食啖之  
楫見突無煙知母未食忍食半以奉母母燈下  
紡織楫取師所授書就餘光而讀登萬曆甲午  
賢書戊戌上公車向母泣曰楫以母苦節未揚

親恩未報故爲此萬里之行不則安忍離膝下  
乎是歲副會榜歷任善化縣著賢聲赴闕陳情  
賜建坊以表母節焉祀鄉賢

梁思泰瓊山人雲龍子由恩廕入大學登天啓順  
天副榜判湖廣荊州陞貴陽同知奉定督餉征  
黔寇義激捐軀崇禎十四年承旨敘勲諡忠烈  
賜祭建坊立祠崇祀廕子燮鼎入大學

吳一闕字惟源定安人力學好古尤篤至孝喜成  
人美絕談人惡手編家禮以訓俗講學傳經多

科名之髦士劉總憲旌其廬舍長子秉機賢科  
循吏次子貢生孫日耀舉人祀鄉賢

陳是集字虛斯號筠似文昌人秉性清介少慕海  
忠介爲人登崇禎辛未進士嘗居親喪哀毀骨  
立筮仕中書出使蜀粵諸王孫奉金不受已而  
復命主人嫁禍下之獄會赦得脫復官未赴居  
鄉水蘄自甘刺不入公庭所選有南溟詩集並  
著中秘稿

聿賢卿字忠與樂會人爲人孝友端肅家居刺不  
言處邑事嫡母生母以孝聞隆慶壬申寇至捐  
家需以勞守戍癸酉計偕不果還路費於有司  
子五人誨化有方祀鄉賢

林華字原積登隆慶進士授九江府節推廉明顯  
介行取擢南京戶部主事差解餉羨餘悉以報  
朝勅管九江鈔關羨金悉貯九江庫卒于官年  
五十祀鄉賢

王懋德字敏中性稟潔振拔由隆慶戊辰進士主  
刑部政轉工部郎遷金華守歷九江叅閩藩皆

著卓異聲歲五十一疏乞歸不允勇決而行至  
將樂卒遺書不受奠賻及故官銀兩後其父良  
所竟不受祀鄉賢

海瑞字汝賢左所人四歲而孤母謝氏矢志訓之  
自爲諸生時即抱當世之慮嘉靖爲于鄉計偕  
伏闕上平黎策意在開道置縣以免征戍之苦  
識者壯之授南平教諭揭申張剛者之辯鄉原  
忠信廉潔之似古人不見諸侯之守以廣厲學  
士具叅謁上官執憲綱抗師儒禮督學朱衡重

孝友

宋

王進慶澄邁人性至孝紹興間其母陳氏病瞽而  
疾且殆進慶割股爲粥奉母疾愈瞽復明

元

王紹瓊山北冲人元初寇亂紹父爲義兵歿於陣  
紹方弱冠手持刀斧奮勇赴難竟以身殉之

明

陶英巴縣人爲留守後衛中所百戶有姊病癱老

在室正統九年英調昌化所扶姊同來凡越山  
登舟岸貧無顧覓皆英親負之姊心不安一日  
舟浮大江姊拖移潛救之英亦救救幾死爲舟  
人急拯得兩活至瓊仍到任奉養如母

徐福左所人父病割股調羹以進

李宣字德輝澄邁保義人自爲兒時聞其父云祖  
子惠解補遼海衛伍隔絕南北萬餘里父子不  
相見者二十年宣遂悲號不已景泰癸酉年二  
十四中鄉試上京哀告當道憐之遂得往直隸

時祖年已八十矣祖孫相見慟哭見者爲墮淚  
御史戴縉舉例以其家就近補伍除遼海戍籍  
得持其祖歸鄉人嗟嘆以爲難得

崇瑄前所人三歲喪父鞠于母氏與兄琇二人孝  
友出于天性天順四年郡賊據瓊城殺不附已  
者以威衆半夜變起倉卒城中少壯多棄老幼  
以走瑄琇兄弟獨共扶老母間走見賊勢來逼  
自知不免琇謂瑄曰事急矣吾二人並死無益  
也我以死扶母急去庶幾脫得一人養母此天

幸也瑄去琇扶老母為賊所獲欲脅以行誓死  
不從賊大怒置母其前按刀母頸謂琇曰我先  
殺你母次及你何如琇叩頭曰乞免母死願得  
相從遂陷入賊中及是大軍壓郡琇自賊中走  
出為軍所獲執送主將安都揮使旗鼓下行刑  
間瑄冒死前進叩首流血被面請曰兄以活母  
之故誤陷於賊今母老家貧待兄為命兄即死  
母亦失所瑄孱弱生存不能為有無迨日逼賊  
本不啻生用兄言走脫長恨不得代兄一死今

乃得遂所願願存兄養母情辭悽慘曲盡情素  
主將倉卒斬之既而翻然悔曰凡為人弟兄皆  
當知有此義好人好人枉殺之矣當時遠近莫

不灑淚嘆惜外紀贊昔漢孔融文舉當炎季義

大書以為世勸然其事乃在郡縣故得上請諸  
朝而讞之今則當戰陣旗鼓之下譬猶拈稿之  
遇霹靂笑忽之間有生有死誰得而讞之哉况  
文學生長世家習聞師傅之訓欲循名義而死  
世猶難之而瑄者一介戎武之人生長遐荒上  
無法豕世守之規無傳師平日之訓惟知母  
兄之難則致死焉夫豈不愛其身哉名義重而  
見其身之輕也此在士大夫之所難者而戎伍  
之人能為之是  
循可書也已

雲是文昌邁嶺人元行省三知政事從龍七世孫  
小多病父母鍾愛失學然有美質所行常過於  
厚成化十五年喪母邢氏哀毀憂思飲食頓減  
以骨立服終如初喪無何復喪父是連年哀毀  
竟廢飲食以憂思死焉

唐繼祖瓊山東廂人舟之孫任長沙衛經歷家計  
素淡薄與長兄承祖弟紹祖顯祖四人最友愛  
雖俱老耆而呼弟只以乳名成化間紹祖克解  
官料價花費追陪無出繼祖至賣奩田數百金

為償之妻馮氏亦無難色鄉里以為

郭籍字考夫瓊山烈樓人成化癸卯舉人任洛容

知縣與兄穉早失怙恃孤苦相依及長不忍分

鬻凡出入之需皆兄主之尺財寸帛不入私室

兄歿奉嫂益恭鞠其女擇士人以歸鄉人取田

真之事名其居曰荆茂有詩見詩

林士進字邦寵文昌水北人邑庠生教諭失

恃鞠於繼母王氏以孝聞年四十一卒王氏痛

思不已立碑浣垢林宗哲撰文具愛敬之始末

唐縉字紹之瓊山東廂人鄉之子處州府學訓導  
初父病侍奉勤苦備至及卒塋於郡西北濱炎  
遂廬墓終其喪閭里白其事於上司移文旌異  
遣太守謝廷奉獎幣詣其家

楊禎中所人初窘與弟二人共爨家事悉統於禎  
出則同行入則同食凡征戍雖禎名役而能致  
二弟代徃友弟之情老而不替嘗樹荆於庭花  
葉時茂或歲不花遂卒禎妻李氏尤賢淑雖織  
財不私特勤幹濟家用殷裕

林孜字志善文昌人中景泰庚午鄉試母雲氏病

癱孜朝夕泣侍撫摩除滌未嘗離側或謂濃毒

有頭吮出則愈孜一吮之母果愈孜因毒入腹

未幾亦夜發背創劇自知不起嘆曰死生命也

所恨老母不得終養而反貽母憂顧謂諸弟與

妻子曰吾死無為念也言不及私須臾卒聞者

悲痛據通志

曾士元字仲仁萬州人瑁之曾孫也性資耿直篤  
於孝友父魯瘡犯豚肉而卒遂終其身見肉即

悲泣不食母李氏疾躬侍湯藥寢處不遑執喪  
水漿不入口哭踊絕而甦者數次哀毀骨立非  
杖不能起三年不入寢室舉時祭不敢嘗過祖  
塋夜必下拜服及總麻悉遵古禮撫孤姪若已  
子復割田以益之貢訓福清多所造就生徒貧  
乏者捐俸助之視祖行誼表表相望可謂克振

家聲者矣

據通志

王敬一萬州人性孝友隆慶壬申海寇迫城負母  
逃難寇追迫母謂曰汝可德奔無母子俱死敬

一泣不忍離后母全而身死州人莫不嘆惜

羅紳會同人性孝母病嘗糞驗瘡不鄉人嘉其行  
有司聞而旌之年八十六無疾終

劉崇德崖州人父裕領鄉薦回沒於海崇德甫五  
歲及長事母菽水盡惟隆冬酷暑寢食必躬侍  
父忌日輒痛裂不能食母老跬步不離督學張  
拯移檄表其門

張騰鸞崖州庠生其父被海寇所擄鸞率鄉勇奪  
之手殺數賊竟遇害州以殉孝旌之

王盤瓊山人郡庠生隆慶六年海口城寇入執盤  
母盤貧無所有囊中僅得原當銀盒獻賊母幸  
脫後者來執盤顧母貧無可獻乞舍身活母母  
亦願就死以生盤寇怒母子俱死

張大鶴字鳴臯文昌庠生為母吮疽兄貧給衣食  
子姪均分田產尤精王叔和方脈知縣顧乃猷  
書孝友維風四字表其門鄉人敬慕

林迦柔會人跛一足爰命曰迦已酉秋淫潦屋上  
游鯉父病不能遊迦慟誓與父存亡乃犯波覓  
獨木敗舟擊父拳頭會積凍且饑里稀烟火迦  
犯波覓父食歸則父凍沒迦慟甚傭身易棺俄  
空棺漂來迦得償所易人以為孝感云

張可載後所人郡庠生隆慶五年倭犯海口載挾  
父逃賊迫傷其父載奮力持刀殺賊一人賊退  
乃負父密藏出求救於官軍竟無應者父死載  
痛恨冒險控訴官軍懼賻百金不受事聞督學  
按臺移檄旌之

李廷茂瓊山人歲貢任贛州訓父母沒廬墓終喪

本道表其宅曰李孝子本府同知所詩贈之中  
年失偶誓不再娶

周維誠瓊山東岸人性孝友海忠介以女妻之居  
母喪賊掠其家未厭欲砍棺誠極力抵護被賊  
刃死鄉人舉聞兩院旌獎

王子聘澄邁倘驛人家貧力學性孝友父以愛妾  
踈母母病毒瘡無以自給聘不逆父志陰求醫  
治時讀書他所每父饋饔飧輒存其半以餉母  
遇親朋酒食必懷肉歸遺感父愛母如初母病  
篤爲嘗糞其苦及兩任廣文以二親不逮感泣  
悲甚宦金盡以均其兄弟季弟化之

謝福廣臨高博文人歲次將貢以親老不就終養  
置學田數十畝遺勸後人其子廉亦棄貢歸養  
父子有古風

徐澄先番禺人父商感恩縣娶楊氏生澄早失怙  
受母訓入郡庠授生徒甚衆以歲薦應上春官  
因足疾奉例冠帶回籍事母最孝母有病備嘗  
湯藥遇有嘉穀常請懷以遺母人咸稱爲徐孝

子云

林小乾崖州東界人逢慶間賊李茂擄兄生員雲桂取贖金百兩小乾將屋盡鬻得金半百交賊贖兄不得賊欲將雲桂開船去小乾願以身代雲桂回家二年小乾乃得脫歸

國朝

林昌運東廂二人林春先血養子運自幼肩挑以養父母值母符氏病篤失明晝夜籲天割肉濟母瞽能復視病亦獲痊此人情所難鄰里重之

李輔聖瓊山縣西廂解元坊入生員李應和之子儒素承家研田度活繼母王氏病危割股和羹格天痊愈崇禎八年內院道府廳查確給扁篤孝旌獎

卓行

宋

吳必大萬寧人有商人失鈔一束於江邊拾待遺

者歸措還之

又見儒學

周仁瓊山人時疫族人死者衆傳染益烈仁獨力

扶護不忍棄去死者賴之以瘞危者賴之以調

仁亦無恙至正間爲石山寨巡檢與賊戰裂死

失屍

明

梁偉澄邁仁之弟好施與族有孤貧者嘗用已財  
買田周給皆致成立凡有中道漂流死屍置以  
棺槨捨地理葬鄉里貧窮值歲凶歉則施與稻  
穀至老積善不倦暇日則詩書自娛享年八十  
鄧文善樂會人好施予遇暴露屍即掩之有本縣  
知縣周泰者始任卒其子幼不能舁歸善爲葬  
於已祖塋築室處其母子送就學後子任興府  
典膳

邵銓字君衡崖州所人弘治乙丑待試南省昌化  
有時姓者寓京告囊罄銓憐之而不能濟乃介  
時詣同試生假白金數十兩約抵家償之後時  
竟負約銓慨然傾已貲以償全無難色

楊秀後所人女爲車傭唐佐牛逸輾死官擬以律  
罰金佐鬻牛及女以辦秀聞其哀曰吾獨一女  
不能攜護罪也且死矣得金奚贖竟不受

蒙端字德範瓊山庠生避賊亂獲遺金四十兩失  
主誣他人而訟之官端出首還之府縣扁其門  
曰喻義陳宗昱瓊山人喜施諸伯仲賈而遊者

俱倚辦資斧且任宗人凍餒廬墓室家嘗代償  
從子逋初不令之知家有海艘屬諸澳得貨竟  
輸之官人服其識

吳宥字原之瓊山人性資醇謹少孤哀慕終身事  
孀母怡色就養寢膳必躬家素窘處之晏如隣  
人侵所居地慨然義讓或詰之則曰子孫若能  
安守縱地窄而心亦寬里中高其行誼享年八  
十有二

吳函郡庠生行已端方取予不苟有同廂陳河英  
揭借彭氏銀七十兩後英貧乏彭氏告追無措  
幾歿函念故知盡數代償調塘都陳閭往任省  
親密寄銀壹百兩舉家不知也閭暴故函帶原  
銀抵家送還人咸異之

林兆一字啓誠文昌白延人為邑庠生秉性嚴而  
與人謙和幼服廷訓惟謹異母兄弟四人怡  
如也與張還虛為道學交見義必為如修宗祠  
葺書院皆自捐資人服其篤信

會廷策字伯射號層城水井人少年遊泮即負笈

入郡從師遂發文莊丘公中秘之藏肆力於學  
名人奇士虛左遜之敬事二親喪祭必循於禮  
友愛兩弟課之甚嚴父歿後不忍與弟拆箸乃  
同爨終其身屢蹶於闈僅與兩弟後先同貢人  
惜未竟其用居家清介不喜殖生晚年唯訓子  
開讀書自樂則五旬而卒後開以弱冠魁省人  
僉謂少酬其苦志云

儒林

宋

林森字梅叔

戴定實臨高人受春秋經於胡澹菴間立鋼

元

王安吉文昌人兩舉爲樂會學師

林靖瓊山人能詩文

林友仁瓊山人郡知事材幹賢能有隱德

明

唐衡字平叔瓊山人經通學博善古文洪武初以  
經明行修起為府學訓導後陞福建都司斷事  
吳伯雄瓊山人有材能洪武間出仕得歸隱閭里  
課蒙晦養不趨權力

鄭信右所人力學篤行設家塾教子弟二子俊傑  
皆儒業俊隱居傑以賢良方正仕至廣西僉事  
林貴芳寧遠人明經史能文章修崖志洪武初以  
禮敦請署學事壽七十終

曾億字光啓號雙溪瓊山西廂二水人天順間以

貞遊大學有詩名

楊碧右所人自少工詩清響飄逸旁通真草篆隸  
周竒健瓊山人詩文少作作必精簡有趣後令靖  
江歸縱酒自任有晉人風致

唐冕字元瞻瓊山東廂人乾昇之孫年僅出幼雖  
游郡學治舉業然天分絕人詩辭句多警拔叔  
善繼製得過華清宮漂母墓二詩責之和冕援  
筆立就善繼大驚曰真唐音也世世不下於曾陳  
張僉憲毅極口稱奇才詩見藝文

王朝隆字國昌瓊山烈樓人悅之姪向武判官詩  
文如馮海雖無家數然信口克贍其博學多聞  
不亞張忬王桐鄉避庚申之亂多藉講論以慰  
裴崇禮字居敬崖州人盛之子由鄉舉任貴縣訓  
導改甌寧積學詩文有古趣如遊大小洞天記  
等文皆佳作嘗自品曰瓊南文士雖多獨讓王  
汝學出吾一頭餘子不數也

劉志明字晦伯定安人性敏好學尤精於中庸年  
十八以諸生克貢永樂間奉當道敦遣署學事

士多成就或勸其復試科舉嘯曰學問人也出  
處命也遂專於教事人稱建溪先生

林毓秀字元傑樂會人妙齡以學行著領貢訓即  
墨歸家無餘積教鄉子弟多所成就祀鄉賢

鄭汝喬字允升文昌人穎悟博洽領鄉薦從湛甘  
泉講授三年歸篤志樂貧精思實踐甲辰中乙  
榜以親老待養不仕

陳思誠字伯孚瓊山人少遊郡庠性孝友恂恂雅  
飭嘗師湛甘泉講明正學諭宣城知安義兢兢

能業其官解綬家居儼然儒林風度當道陳雅  
造廬禮之鄉人遺金請託者亟麾之曰鬼神共  
鑒意念難欺

吳恪瓊山人性資凜飭有君子風匪人濫賓飲恪  
抗聲郡庭賓筵肅然始訓晉庠不責生徒修贄  
諭邑時提衡課科目蒸蒸多所成就

王才美字汝周定安人周慎孝友由歲貢訓邵武  
憂歸廬墓三年起復北流諭捐俸修堂廡祭器  
轉沅州學正不就歸贖弟田宅盡還之祀北流

### 名宦

曾暉萬州人德性寬厚器度宏深事祖父母盡孝  
恤弟女有恩訓子孫篤親友不喜道人過失與  
物無忤嘉靖間貢授福安尹善于其職致仕家  
居絕公庭年八十終

王允升字葵甫定安人應貢授訓未仕卒於南都  
爲人重厚簡默教子一經不治生產家被盜奪  
金銀器皿官司得其狀追還銀百餘兩以非原  
物不受其父禧貌樸心古仗義樂施以此傳家

致子孫貴顯人以為種德之報

蔣蒙字養正左所人嘉靖間由貢任靈山縣訓陞  
建寧諭兩任俸餘俱買田以給貧生署靈山縣  
事寇臨城率兵捍禦境賴保生靈人建生祠

陳傳嘉瓊山人孝友樂施貢赴京殞亡友於途而  
資其僕歸訓詔安捐俸助貧生時倭犯城嘉令  
僕善弓者射殺數賊詔令欲上其功志決告休  
力止舉祀鄉賢

揚應辰字德良頑之姪中所人由貢梧州學訓陞

柝城諭率番衛學授致仕應辰家居孝友居官  
清慎事病姑如母撫遺姪猶子痛兄客死而養  
其嫂終厚塋之有司屢舉大飲賓不就卒海忠  
介銘其墓

曾唯臨高人博學有氣節初任廣州訓後陞徐聞  
諭以守禮不能屈遂歸獨築一室唵咏自樂嘗  
留心邑志編有志稿謀毀諸梓未就

曾應唯瓊山人資稟高明範身矩度嘗構義方堂  
羣鄉族子弟日講習修身齊家大義所著有

禮存羊儀節數卷

王汝翼澄邁人禔躬樸茂事繼母以孝聞博涉羣書蚤歲雅爲當路所器由貢授南海訓懇乞歸養祀鄉賢

孫思誠字明之瓊山人廕之姪孫天性孝友重義樂貧居喪未禫不忍入寢室飲食必奠老終其身晚年寄興梅竹一切世味泊如也

周倬樂會人孝友純篤事兄俊如嚴父接人以禮但抗厲不能容人過由歲進訓漳諭來賓歸僅

茅屋數椽蔽風雨漳人祀名宦

馮天與郡庠生瓊山人少聰敏博覽諸書事父母處兄弟以孝友稱卓有藻鑑能知人於塵埃中士夫皆重愛之

紀綱正字恒之其先監城人祖成崖遂爲崖人綱正自少魁岸言論英發淹貫經史尤長於詩賦曾遊郡庠小試恒冠多士累不得薦輒棄而耕於野題其室曰東岸書舍徜徉林壑以終天年嘗曰書如靈丹服之便可入仙窮通修短浮漚

瓊君志  
爾教授生徒表正鄉閭崖士出其門者多苦學厲行

陳維臣字汝弼瓊山人平生言語必信取予不苟事母至孝教弟維翰以禮經魁於鄉每以黷貨戒之撫二異母弟極其友愛郡守周思久蒞學宮者訪行誼延之登堂優以賓禮凡有裨于治理者必諮焉

王用之字有行瓊山縣人幼通經史晚敦禮節屏謝塵囂日以詩釣愉志

林琅庠生瓊山人質直好禮喜周人急年九十手不釋卷所著有家禮復古考正祀典道統女訓等錄

余啓字允明瓊山庠生家貧好學聚徒授業所得學資悉與兄弟共之孤姪無依撫養不異已子而捐貲嫁娶處鄉黨禮接恭敬畧不少弛郡守周思久節推徐邦佐咸謂按其平生當于古人中求之

王世昇瓊山人郡廩生少孤貧力學承寡嫂撫孤

姪盡力維持教授于鄉海忠介稱爲純篤長者  
陳憲左所人庠生博覽喜怡談構書舍於川南咏  
讀自適事繼母以孝稱居鄉勸人爲善有古王  
彥方風郡四舉鄉賓直指陳道基旌之曰年高  
有德給米帛以示存問

蔡廷椿字一卿瓊山遵都人七歲失怙哀毀獨至  
以貢丞霍丘漕礦故多舊規椿革除殆盡歸時  
行李蕭然士民攀擁不忍去居鄉訓戒子弟捐  
田四十畝爲燈油鄉族有不善惟恐公知其見

重如此子希臯翁慤好修士論賢之一  
陳邦猷瓊山上東岸人高明縣教諭博學篤行爲  
母老謝仕而歸郡主兩造廬三舉賓筵其梗概  
多可爲鄉式者

鄭儒字子珍瓊山泰英人廣州府學教授自署挾  
筴宦遊京省多得義方庭訓淹貫經史詩文有  
出塵之趣始訓容庠轉上海歷連州廣州所在  
卻贊勤課士多成就有竊位警箴棄井銘記科  
貢題名以揭前列勸將來歸老篆玉堂扁留餘

軒祀連陽名宦

牛全字以成前所人郡庠生正直稷躬清高絕俗  
撫兄子不啻已出血孤惠族義方教子晚歲食  
貧趨操益勵浩歌自得恬如也所著格言詩草  
有云念念有天隨著步行行那地不堪家胸次  
悠然有度越人者

陳鉞字安侯瓊山蒼原人郡庠生性資穎異日記  
萬言文行兼優素爲督學蔡可泉李洪西稱賞  
丁母制讀禮哀毀骨立適倭寇焚棺劫掠鉞獻  
黃粥賑饑捐棺澤枯置船以利河津分米穀以  
濟貧族其德行有如此

丘承其字庭梅郡庠生文莊六世宗孫博洽經史  
爲唐郡守舒督學所重尤篤於彞倫菽水承嫡  
母之歡季入廩金悉以盡歡毫無所私推膏田  
以給妹奩資續述祖德刻文莊史綱學的諸編  
炳煥於世所著有戴記講意扶搖名言

陳高字宗陵郡庠生天然仲子敦族睦鄰訓育失

持姪如子奉無母如母兄戾於誣抵責高請以  
子代爲舒學道嘉獎晚年謝絕世務吟咏自適  
優筵鄉賓

喜惇瓊山東甯人少遊郡學仗義好施富而循禮  
嘗道拾遺金召原主而還之棺塋枯骨米給孤  
貧府縣旌爲義士

吳一元瓊山人邑庠生少孤孝母時以詩文適志  
年荒乏食經歷何應徵周之銀米不受其守如  
此

許伯良澄邁封平人仗義喜施初訓義寧歷綏寧  
敦禮教肅學規門下有鬻女者代贖之值荒多  
白骨捐俸瘞埋卒於綏寧祀名宦

李元祉澄之倘驛人少失怙恃義篤從兄博涉羣  
書誘後進族里象之由歲薦訓邵武端矩造士  
憲副蔡以蘓湖卓軌旌之尋以疾歸優游吟適  
爲月旦推重

林希高字廷遷文昌白廷人剛方矩矱初遊邑庠  
以終養歸田擇雅淡端方者結爲七逸咏歌自

適屢舉鄉賓不就

王信卿崖州水南人以歲貢判桂林府端莊孝弟  
母病朝夕焚香祈禱侍湯藥至廢寢食兄貧分  
廩半以遺兄及母終兄亡竭力殯葬撫姪長成  
婚配設帳傳經崖士多出其門判桂林有賢能  
稱署全州捐俸修學宮卒於官

陳日新瓊山人孝友慈愛青衿時以詩詞鳴世屢  
經督學優獎事祖母盡孝思薦赴省途聞祖疾  
棄貢而歸事孀母順志承顏訓德慶敷教蕪湖

甘守清白

張希堯號元溪瓊山縣人萬曆癸卯亞魁讀書明  
道賦性端嚴恒以修己治人爲務當謁選時值  
同籍爲郎語之曰此來可得美官彼應曰有命  
存焉絕無纖芥營謀任廣西羅城縣知縣宦橐  
蕭然樂育所就率多名彥迨優游初服遠近負  
笈執經者踵相接也所居堂曰四嗇謂松有花  
而嗇香竹有葉而嗇花梅有香而嗇葉渠以一  
嗇老干三嗇之間云緬仰芳躅蓋超然於聲色

香味之外非鑽核者可同日語也且狷潔天成  
談笑不苟仲子洪字允湛領天啓辛酉鄉書嘗  
親朋宴集座侍青樓歸輒厲色訶戒曰若婢子  
我輩安可並席又或家僕闖鋪相戲督洪令跪  
責以禮法不謹詎能刑家其古道多顯是迄今  
兒童走卒皆知元溪先生焉

吳鉉鍾號惺一瓊山縣人登萬曆戊午科博學宏  
才筮仕湖廣均州知州視民如子值流寇攻州  
捍禦半年檄召援兵危疆賴靖比歸家無餘積

恬如也

丘爾懿號秉初登萬曆己酉賢書即丙午科鄉薦  
爾毅胞弟係文莊七代孫任江西贛縣知縣居  
官廉介吏畏民懷兄弟允稱二難惇睦獎貽公  
門罕跡夫文莊先生奧發鄉媛胸羅緝蚪盛德  
大業咸能興起百世况後昆乎

韋章玉字麟吉樂會人孝友端厚入監領順天丙  
子鄉薦不治產業博聞強記著述歌咏弗輟言  
行爲士庶矜仰

國朝

馮嘉遇號載賡瓊山縣人領天啓甲子鄉書天資  
 純孝篤志承歡疊經明院司奉旨推舉捧  
 檄之色漠乎弗動且惇族信友初終靡間是以  
 麥舟恤惠競爽先憂焚券義聲馨傳彈鋏從無  
 削牘趨走王公之庭歷四十年如一日也漢代  
 孝廉誠無愧矣

義勇

宋

謝明謝富冉安國黃之傑四人俱郡人宋末從趙  
 安撫與珞拒元兵於白沙口被執不屈而死事  
 詳名宦趙與珞下

王麗殊萬州人世為尚首元至正間陳子瑚陷州  
 麗殊率義兵討平之元帥陳安遠擬授萬寧縣  
 簿癸卯土酋符奴達陳俊甥等竊發及子瑚弟  
 有慶等復攻城又舉義兵收捕達魯花赤大都

請于元帥分司隨縣尹統民兵保障明洪武初  
又以勦平章寇王廷金功復加賞勞壬申子普  
養爲黎首管黎

張賢瓊山五原人至正中陳子瑚寇陷郡城瑚死  
弟有慶接踵煽逆黨與僞萬戶袁元貴鎮撫潘  
磨經歷吳紹先等屯據瓊城民被荼毒賢倡義  
兵於丙午年三月初擊斬袁元貴等暨餘黨不  
計其數追取各衙門印信郡城恢復本道副都  
元帥陳乾富等達其事於憲司遂齎馬疋表裏

銀碗賞勞授安撫司僉事丁未復立屯田萬戶  
府以賢機謀宏遠韜畧沉深陞授萬戶領之洪  
武元年同陳乾富奉款歸附二年以賢良例起  
取至廣州告老歸田而卒

明

郝信中所總旗天順四年邵賊叛舉城奔潰信獨  
厲聲罵曰朝廷素日養兵欲用於何時遂奮刃  
殺賊三人賊衆驚走追敵不已卒死于賊

王正海南衛指揮成化乙巳春偕指揮徐鼎京歸

舟次廣州波羅廟前忽風大作舟皆覆正推蓬  
出抱柁避浪危在倏忽嘆曰吾友老母在堂吾  
與萬里同行今日見其死亦何獨生耶頃電掣  
見傍有艇遂冒攀登岸求斧回劈船底數倉務  
求出鼎因活者四十餘人餘屍亦爲撈厝

谷泰海南衛指揮僉事平居以忠義自許每謂其  
第春曰吾凡見賊卽不欲與俱生吾且未嗣世  
爵當有賢第在弘治甲子春督備東三所南山  
等黎岐越萬州界牛姆等處流劫時兵備副

使王繼懦怯聞報黎賊者輒杖之泰曰官名督  
備乃懼上司而忍吾民受害豈職耶卽率官軍  
衝前射斬生擒奪回被擄後大踪賊至軍少力  
單奮勇不已遂死於戰州人至今哀之

王何會同入賊入寇縣官被擄何聞之奮勇與敵  
戰縣官於難而何喪首尚提戈勒馬歸家婦聞  
其馬嘶出迎始墮縣官行祭立石表其宅白義  
士死後神赫尸祝禱應每夜空中隱隱有車馬  
聲鄉人呼爲踏朗公今子孫多衣冠之倫咸以

為忠義之報云

符日照七方尚首勇畧兼人海寇為患率兵禦之  
斬首數級值賊兵一夥自他處突至前後犄角  
矢盡力窮遂死州守張邦謨鄉先生唐維各有  
誄文

王欽瓊山人土舍籍少遊臨庠剛方尚義才擅弓  
矢萬曆二十六年居林居礫二崗黎反欽募兵  
捐餉同官軍設方畧奮勇先登射斬生擒二崗  
黎平編為都嵩兩赴京師具疏奏請清豁黎田

浮齒民免賤困鄉入至今稱慕之

莫宣寶定安東廂人明初朱亮祖重其義勇取征  
五指山黎寶議開五指大路方鳩工開鑿而黎  
突出寶奮臂先當中流矢死官為喪祭祀于祠

隱逸

宋

杜介之瓊州人有隱士風先任高州司法與李光  
 友善寄詩曰南極多老人及見九代孫君生古  
 儋耳德性重且溫今年八十二頗覺行步奔白  
 馬映紅顏疑是羲皇昆

黎子雲儋州人居城東二里許昆仲貧而好學  
 所居皆林木水竹清幽瀟洒蘓軾雅敬禮之每  
 以載酒過從請益問奇日相親炙

東坡歌寂寞  
西黎生食菜

真曜儒又葛方立詩  
諸黎善善君子類  
欲辟舉固辭優游田里率

鄉人子弟以孝弟忠信人多化之壽八十餘

唐文嚴字克寬瓊山人任迪功郎宋末隱不仕建  
一亭名曰松軒日逸其中留意經史景炎間翰  
林學士陳士徽徽省郎謝少敏抵瓊臨訪合歡  
終日改其軒名曰廣廡有詩見廣廡亭下

符林儋州人蘓氏重其安貧守靜謂之老符秀才  
嘗過訪有詩序云海南人不作寒食而以上巳  
日上塚手攜一瓢酒尋諸生皆出矣獨老符秀

才在因與飲至醉詩云老鴉啣肉紙飛灰萬里  
家山安在哉蒼耳林中太白過鹿門山下德公  
回管寧投老終歸去王式當年本不來記取城  
南上巳日木綿花落刺桐開

明

王惠字仲迪號霜筠合肥人從兄千戶志調官籍  
于瓊博學能文解學士縉稱惠從趙汝古講明  
性命義理之學潔白清修毅然自立洪武末用  
大臣薦至京以三喪未舉力辭歸隱天下聞其

節行所著有截山詠史嶺南聲詩鼓吹等集兄  
懋字季成敦行善詩尤精於醫濟人不責其報  
有薦之者辭以才短終身晦跡年八十餘

王宏字孟遠號蟄菴後所人少孤力學工詩文以  
母旌表節婦韓氏年老不求仕開鄉塾訓子弟  
餘數十年正統間大叅龔遜都閩王清及致仕  
御史唐舟輩遊靈山分賦宏以布衣與列時人  
高之丘濬誌鄭俊墓有云吾離家十八年城中  
諸老彫謝殆盡唯王孟遠鄭正甫兩位先生在

靈光之在魯也

王守敬臨高人資質純厚好學多聞為叅政詹冕  
公雅重正統間郡邑嘗辟舉固辭優游田里人  
多化之壽八十餘

吳敬字汝遜定安縣人尚禮好學士夫敬重之與  
王惠友善欲結鄉約善瓊俗未果而卒子姪掇  
科登仕不絕

趙璟字伯輝衛武胄子安貧樂道環堵蕭然唵哦  
不輟外紀璟嘗與薛尚書繼達丘文莊仲深友

善時接談笑其聲琅琅然每傷其妻父王霜筠  
先生家多書籍而後無能主者收藏寶蓄用資  
諸人以故薛丘二公多得名書觀覽皆起寒酸  
而能以學識政通顯爲海南名人璟有助焉時  
人以爲璟循石路初通之車輒能通車而不有  
其功者也茲故錄之以愧夫蓄書家之子孫如  
人勝已忍其蠹壞而不恤或市貨以資多費者  
其賢又何如哉

黎瓊字去瑕瓊山盧農人博學通五經有聲場屋  
將領貢悒悒不樂遂棄舉子業製隱居服足不  
履城府以讀書自娛有咏大學兩關詩曰人於  
險處皆能越抵死不來打此過有箇真能打過  
去試看光景竟如何門生梁繼贈詩有云道心  
正直殊時俗老屋傾欹有古風一種鬢毛春雪  
白五車經史夜燈紅益實錄也有司請爲鄉飲  
多不就八十餘卒

梁成字克功儋州人謹厚寡默通經書百家子史  
工詩能文闔州以儒士稱之嘗辟社學師子弟

多所成就太守羅傑重之

陳文賓瓊山人謙恭間素鄉居足不履城市好施

予有疾不...

許富字世謙居瓊山之北...

慈無妄言戲色伯卒歲時必列考共祀妻母獲

氏同居三十餘年事之如母隣人有竊入其後

園伐樹者見之却回謂家人曰吾恐其驚隊主也

終不問其人

梁廷棟瓊山人性簡靜素樸平生言色無遽疾家

徒四壁處之晏如盧虎入吳基者偶中衢失貨

兒贖暖金三兩棟拾之必待其人尋覓返而還

之鄉人構訟力勸和解衆服其義

曾沂澄邁曾家東人儒雅弘博號幽求子當道給

冠帶詩章不受所著有寵賜也知章服重遨遊

白覺野衣輕之句

宋

當多

業其賢

黎伯亨

崖川人盧多遜嘗稱幽人處士

元

裴預

字時敏號守素居士崖川人瑞之孫天曆間王仕熙與之友善有贈詩二首見藝文

陳彥道

地田府萬千有營充長官者舜道復言禁

之

沈公賜

根呂統德教碑

明

瓊山陳尚 豪邁守正 通貫文墨

陳捷 天順初同進士 施 敬纂修郡志時名

隱君子父能亦服儒慕 義曾助修郡學蒼原人

唐乾與 東廂人諷方之 子安禮守靜善

六書

王振 遵四世孫 慕親信友 洹洲人特行通

澳獵經史避辟 不就壽八十一

并信昌 藝著有自修集 洹洲人特行通

王恭 睿之堂姪 安靜喜吟

王纘 睿之磯子 詳樓閣清 洹洲人特行通

周鼎 東洋人昇之兄 讀書持敬兼通於醫

唐瑜 軒西廂人 詳樓閣清 洹洲人特行通

可曾學確 修癸 敬已志

馮源 通諸史 犯而不校 洹洲人特行通

李世隆 號道亨 瓊山西廂二人 年八十有五 少事 儒業長習岐黃 生平淳謹 未嘗疾言遠色

五尺之童 迎以善氣 有問症者 不計其償 素為 當塗推重 古人云 欲濟天下 蒼生 不作宰相 即

醫藥是 得其意歟

潘濟 敦篤 睦鄰

林鷗 泰英人 少孤貧 竭力事母 業儒 舌耕半畝 自 適人有貧 負債者 義不取償 行年八十 口授 經書 訓子及孫 所著有 別野集

唐文 拭 友 善詩 孫孝

黃鉦 海口一 吾人詳 樓閣東阜下

林春 英 校 博雅篤行 修郡志

澄邁林遂 保義西隅人 善書 喜吟公門 不苟入

臨高柯浩 性行純樸 好善不倦 鄉人有鬪訟者 悲 泣 勸諭人皆從之 生於元至正甲午 卒 於明永樂癸巳 享 年一百二十歲

王濬 所著有 儒流一覽 集 丘深菴見之 甚

服其博 縣廓王政 亦棄儒 就 耕以詩書 訓子弟 與人無怨

定安黃叔嚴 先黃若人 父寓定 安執禮有古風

文昌韓真祐 南溪人輕財好義重建文昌學明倫堂子昇孫繼芳能世其德附類彙篇

昇畧有德義言恐傷人行不越禮外物之來視之漠然橫逆之加受之而已

邢文成 字道蘊號耕野貴之孫幼業儒編晚而耆隱守正不撓尚義好施傾產教子厚幣延

師子裔昌鄉科祚昌進士禧昌庠生皆以為食公之報也

林暉 水北人從邢貴學德義著聞鄉里重之

會同黎方升 黎嗣盤之祖醇厚義方善處鄉族授冠帶

王昌胤 積德修善周急焚券授冠帶

樂會王獻 上大賜人謙恭忠信輕利好施老而不替

崖州馮宗 小蛋村人訓導光之父以州吏護州及字遠縣印躬統民兵防禦倭寇境賴以安

衛

左所馬仕彪 能詩設館訓誨夏忠訓導欽金貴 能武弁多出其門

菴外 王鵬舉 旁通醫術

右所曾義 篤行

中所楊琦 高行薛司馬外父

馬順 自姑蘓誦成善詩

李忠 有操行

高節 有士夫氣象

前所傅伯安 寧波謫戍號梅軒版築翁

李芳 舉人明之伯善詩

薛善 遠之兄旁通醫

萬州所王文 棄舉業教子弟痛絕異端與物無忤同翼李剛亦好善捐白金一百八十

兩助遷

州學

崖州所邵敏賢之子習道學同侍汪洋亦文雅

一朝

陳宋第

瓊邑庠生守貧舌耕手不釋卷年九十康熙十一年詔賜米肉綿絹道府有清朝

人瑞  
旌帛

王豪

瓊山縣人仁厚為質坦易為懷年九十有五

然香山風味康熙十一年詔賜米肉綿絹道府有清朝人瑞旌帛

紀公

崖州羅馬里人足不入城市其名不傳年百有八歲牽牛力穡感恩知縣金英往攝州篆遇諸道左詢其年齒知縣金英往攝州篆無懷葛天之遺贈以古風一篇見藝文

李志賢

字巨峯瓊山縣西廂一文正邨人孝友性

於宮墻繩武厥孫早脫穎於恩選年八十有三子瓊枝澄邁學生員孫炳文順治十年恩貢闈邑紳矜鄉民公舉者德

列女

旌節

死節

守節

孝義

旌節

元

李氏瓊山人教授林君用子婦年二十五寡奉定

間憲副阿刺公嘉其節聞省部表其門憲副楊

伯徵贈以詩云丹心已化望夫石血指猶存織

女機

明

程氏洛國後海南衛前所鎮撫凱之女洪武丁丑

年二十二歲夫歿繼死事聞旌表○解學士縉  
傳曰賈岳妻程氏之女也粗涉書傳有德容年  
十八嫁爲岳妻岳父羽初爲海南衛鎮撫謫廣  
西岳涉嶺海省之得疾還死瓊州方疾亟時程  
氏許從死神傷不能哭遂自縊生與岳同年才  
年二十二歿時洪武丁丑也一子鞠於祖父母  
賈氏世以武義聞至羽尤喜文學士岳遂能爲  
文羽字義甫橫海衛指揮善儀其家中舍人吳  
君仲平云贊曰慷慨殺身易從容就義難人於

所當死亦有迫於勢不能不死者若程氏其何  
迫之有所以爲難也然瓊在海外而民俗皆知  
慕其義至指其塚嘆惜之嗚呼亦足以見風化  
之大行歟。王霜筠詩西風昨夜怒掀天吹折  
瑤池並蒂蓮夫屬婦言情已切婦從夫死志彌  
堅不惟大義今時重猶有芳名後世傳最是傷  
心孤與老一家兩地隔蠻烟。外紀詩已許夫  
君死寧忘血指前骨應香后土心可對皇天萬  
古綱常事三生伉儷緣黃泉天地久此是結縵

年

張氏瓊山南橋人陳晉恤妻年二十八寡壽八十餘正統己未旌表

李氏澄邁黃村人李易周之女瓊山西廂丘傳妻大學士文莊公濬母也年二十二歲寡後以子貴封夫人天順辛巳旌表

韓氏後所王勇妻年二十九寡壽八十餘成化丁亥旌表

符氏文昌安知鄉人林高妻年二十二歲寡壽七十三成化間縣尹鄭宏表揚

吳氏前所吳昇女生員王鑾妻年二十六歲寡弘治癸亥旌表

馬氏崖州千戶所軍廣之女生員劉裕妻也年二十六歲寡正德乙亥州達提學道章公極獎勵胡氏定安人方伯胡公濂之女年十六歸進士張世衡二十八歲寡嘉靖壬辰旌表。子穀妻鍾氏侍郎鍾公芳女年二十寡嘉靖丁巳旌表

林氏文昌南明朝人生員邢文敏妻年十八歲寡

撫姪應麟承嗣其貧慈孝不事修飾直指李林  
沈三院優獎年八十三

鄧氏文昌邁犢一人鄧樣女葉景熙之妻年二十  
二歲寡無子其貧孀守經李林沈三院優獎壽  
七十餘

馬氏樂會上大士王世勳妻少寡年九十八嘉  
靖二十三年旌

陳氏知陸川縣張翼妻隨翼任嘉靖甲子翼膺  
八試值徭賊劫擄氏為質拒兵且脅以必從

氏罵咬賊手啗其肉賊怒連數刃而死越三日  
顏色不變救至賊退陸人棺殯待翼回即葬于  
陸兩院旌表立祠嗣是春秋祀不朽云

岑氏指揮王守臣妻蚤喪夫鞠子秩授學襲職通  
詩律同知陳夢雷請建坊旌表

唐氏瓊郡庠生陳瑀妻二十六歲寡守節罷守周  
思久旌其門

張氏瓊山人亞魁王伯霖妻年二十九歲寡力貧  
教子詔表其宅郡守王可大銘其墓

高氏中所儒士李元良妻生子際春週歲而姑與夫相繼亡時年二十五顛危失所截髮毀容自矢靡他撫姪應春督教分貲一如所生事病翁尤為恪謹歲亂忍饑奉養萬曆三十一年瓊山縣令以節聞按院沈優獎年六十終壬子際春領鄉薦至四十五年郡守歐陽督學道戴申文題請候旌表

陳氏瓊山西廂二儒士潘穰妻穰省試故氏年二十寡家計蕭條耆翁在堂茹苦供甘撫孤之穉

辟纒佐讀毓成偉器學憲胡登同知徐節恭高旌獎御史王周田三公賜以米帛特隆重焉

馮氏瓊山上東岸王演武妻年十八夫故無嗣孀守候至弟生次男王紹先血養承宗芳名普聞兩院蔡王二公優獎

唐氏海南衛王宗義妻遺繼母庶弟澆妒借棲舅家猶勤侍視年二十四寡茹苦撫孤屢經家難冰霜勵節俾義血食有嗣氏之力也已經旌獎

壽七十餘終

黃氏瓊山人郡庠生唐寧妻博赴省試故氏矢志  
守節孝事姑嫜撫教繼子登仕壽八十有六經  
獎

方氏瓊山人庠生岑冕妻年十五歸夫甫三載夫  
故撫子已成立有孫不幸淪亡又攜二曾孫刻  
依教訓年八十有七經獎

徐氏澄邁人庠生林煌妻年二十一歲春病篤  
誓以身殉及反解金環與母為記不食繼死萬  
曆三十七年倪守表其門云貞節可風王宗伯

有挽詩及陳時政有傳

吳氏澄邁人林晚成妻年二十五歲寡守志撫孤  
事聞當道扁其門

王氏澄邁倘驛人李傑妻也年二十四歲寡養姑  
撫子成化間督學趙公邑令周恭表其墓

六氏澄邁人庠生李璟妻年二十四歲寡矢志不  
渝教子文烟為庠彥士嘉靖二十六年督學蔡  
公旌其門

梁氏澄邁坊廓人廩生雷源妻年二十六歲寡撫

子應期爲庠生督學蔡公旌其門

林氏文昌水北人生員李文毓妻二十九歲寡無嗣孀守縣扁其門壽年九十三

趙氏文昌北山人生員黃中紅妻年二十二寡遺腹一子甘貧撫育縣扁其門年六十有八

林氏文昌人陳天聰妻年十九歲寡夫故三月遺腹一子苦節奉姑按院沈田二公旌給衣帛候

題旌表

李氏文昌人韓元敏妻年十九歲寡堅志守節直

指李林沈三公旌獎

葉氏文昌人韓亮敏妻夫隨翁任卒於閩氏年二十四矢志撫孤直指王公優獎

王氏臨高人生員沈樂沂妻年二十三歲寡孝養舅姑貧撫穉息子早夭喪復撫遺腹之孫壽八十三當道旌獎

李氏定安人吳夢雷妻年二十歲寡屢欲身殉嚙指毀容撫有繼子以全節行年六十卒直指使奉詔樹坊旌表

黎氏會同積善都人王佑先妻年二十夫故誓死  
守節撫弟子為已子直指蔡公扁曰旌節

王氏萬州人廩生曾紹榮妻榮為贅壻甫暮氏反  
京行榮時病未能送後往氏母罵辱不與氏見  
榮忿歸另娶葉氏又娶楊氏父母逼之嫁矢志  
靡他榮歿星奔撫柩號泣揚亦繼亡遺下孤兒  
撫猶已子州守茅一桂扁旌其門

王氏崖州千戶煥之女舍人于楠之妻姑胡氏雙  
瞽氏昕夕事之謹禰隨父征黎中矢死氏年二

十一撫一閱歲男矢不二志後男憲文陞襲千

戶守節無玷壽六十二道府移檄旌獎

洪氏崖州百戶曾衡妻年二十三聞衡在營身故  
哀毀不食幾絕而甦生遺腹男國忠甘貧紡織  
事姑壽六十三州扁其門

林氏崖州三亞人生員王大謙妻年二十大謙卒  
哀毀泣血欲以身殉姑覺數止之既孀居事舅  
姑益謹撫遺孤二人悉令就傳以貧故不能具  
脩脯致解襦結以進教子應試崇禎乙亥拔貢

應諭順治丁酉歲貢前州守瞿公宰扁其門卒  
年六十八

王氏陵水百戶王世恩女生員譚以謨妻年二十  
夫逝苦節撫子道淵補邑庠道淵逝撫孫正補  
邑庠正又逝撫曾孫尚在孩提年逾八十始終  
一節通學舉呈旌表

萬氏陵水千戶萬人傑女百戶王國彥妻年十九  
夫逝無子擇族人之應襲者撫養為嗣年六十  
四卒閨門清肅通學舉呈旌表

國朝

楊氏會同人舉人楊應鳳女儒士王家翰妻翰卒  
氏誓死不嫁靡有他心撫姪揮抱為子知縣馬  
文駿申詳達部奉

肯旌表立節孝坊

慕容氏崖州人生員蕭士彥妻年十八士彥卒悲  
泣三年未嘗見齒或諷之嫁遂截髮自誓撫遺  
孤習讀有和熊之風年六十四卒順治丁酉知  
州梅欽上其事已亥

詔賜三十金旌表子正傳順治丙申歲薦任開平訓導

謹按節者以旌重褒崇也示風勵也然有獎必錄將無同祠記之諛鬼墓銘之徇人乎覈實聞幽知有辨別於筆楮外者  
死節

唐

符鳳妻亡其姓字玉英鳳以罪徙儋州至南海為獠賊所殺脅英私之給曰一婦足安足事

托一長者賊以為然乃衣不盛服立於舟上罵曰受賊辱不如死遂沉於海

元

蔡氏瓊山疊村蔡九娘之妹適為遵都王和妻至正壬寅為賊陳子瑚主簿丘田欲犯之不屈自縊而死

唐五妹瓊山人唐伯壽女年十八陳子瑚寇乾寧同從妹俱被執至舟中躡其妹曰我必不免於辱縱得生何顏立於世汝尚小可求生乃給賊

曰妾家破親亡將何之乞釋縛當從賊然之解  
縛即投江而死從妹以小得歸

林氏文昌人陳道安妻年三十至正甲午陳子珣  
構亂道安陷其中與脅從人吳真慶等密圖俘  
賊歸官真慶恐謀泄潛告於賊賊殺道安林計  
負屍以瘞既畢哭盡哀啖土哽咽而絕鄉人高  
其義收瘞夫側

畢氏直隸太湖人年十五嫁南昌衛指揮屠經為

側室宣德初經以累謫海南衛千戶病劇訣別  
畢誓同死經許之歿夫訖乃沐浴更衣上堂辭  
母母痛子傷婦兩難其請相抱痛泣左右不忍  
視俟衆防少懈潛入室閉戶自縊而死

何氏文昌南溪都人何顯女弘治戊午歸邁犢都  
田瑶僅四月瑶暴卒何遂更衣自縊

陳氏昌化千戶所大南屯田百戶陳崇長女贅本  
衛前所千戶舍人溫瀾為壻弘治間符南蛇賊  
作亂舉兵破屯執男婦二百餘人時氏年三十

西三居志 卷七 全  
五與三男并一女年十三俱在執至途度不免  
辱厲聲罵賊曰我名家女婦豈受汝污奪賊刀  
先殺其女因自刎後二弟珊玠聞之募報者指  
所死處收瘞骸骨

張氏昌化人生員孫廣學妻弘治辛酉同夫收獲  
郭外時符南蛇亂黎賊散出夫婦俱被執歸肖  
賊欲置張他所張正色曰即死吾夫婦同穴何  
他往耶賊縛出廣學殺之張堅抱夫號哭罵賊  
不絕口俱被害

林五娘文昌水比都人年十四寓瓊山縣舅家值  
舅氏有官犯舉家出避獨女在室鄰人吳汝安  
素讐其舅且慕女姿色因道勾攝者破門執女  
挾令上馬數里許初以甘言誘不從繼欲強犯  
女自嚙臂流血遍身昏墜于地汝安驚懼急囑  
攝者送歸舅家夜即縊死其強辱時批痕滿胸  
乳聞者痛恨隆慶二年按院學道議罰汝安修  
塚立碑坊表旌之

林淑溫文昌白廷人年十六受瓊山沈勳聘勳以

儒士赴省試途病卒女聞訃即日去櫛盥朝夕  
哀慟會海寇數百人掠其家擄女父母見其姿  
色挾擄至海女號哭奮身投水賊急救之見其  
難犯欲殺女父母以迫其從女曰辱吾身及吾  
父母亦何顏於天地遂碎首流血嚙舌而死賊  
憐釋其父母令塋女焉事聞直指戴公璟劉公  
會奏聞建坊立祠旌之

婦氏文昌邁犢人韓子儉女適瓊山謝徵長男年  
三十一歸寧母家海寇突至氏同母及子俱被  
擄賊強之從氏曰幸全我子及母則唯命氏見  
送子及母登岸歸無恙遂投于海賊急救之氏  
罵不絕口賊怒連數鎗而死數日氏兄夢氏撐  
傘行海傍就所夢地求之見其屍覆破傘下面  
色如生乃歸塋焉

王氏澄邁封平人馮郝有妻年二十一嘉靖四十  
四年海寇猖獗郝有同衆拒敵為賊所碎鄉隣  
收而殮之棺已蓋氏奔開棺抱屍甘以血汚踰  
時縊殉署印游經歷給棺殯焉

陳氏儋州人生員林維翰妻嘉靖間翰赴科舉卒於省陳年十九哭泣不輟欲以死殉比翰喪至遂閉門自縊死撫院旌獎

陶氏海南衛軍人許撫謙妻隆慶六年倭寇陷海口城被獲堅志不辱死

陶金孀年十六海口陶舜卿女隆慶六年賊陷城獲女女唾賊大罵以死自誓賊多殺人以懼女意強必從竟不辱咬肩背血流爲賊所殺

范氏儋州人林仕重妻年二十二夫歿守志孀居隆慶末叛兵陳祿逼城婦女被繫幾二百氏獨奮罵不爲所污遂遇害

華氏文昌青瀾所人生員王高賓妻舉人華廷芳孫女萬曆二年海寇林鳳攻陷所城賓被執氏亦就擒并女年甫十六有姿容堅不從賊賊怒殺之母子同害聞者嘆悼

李氏澄邁人林有源妻萬曆二年海寇犯境年二十被擄寇欲污之屬聲奮罵延頸于石令其速刃賊殺聞者墮淚

韓氏瓊山人謝應昇妻居文昌木瀾村紡織為生  
年二十被海寇曾一本擄去時抱男乙常在手  
俄見母陳氏亦被擄至韓氏給賊曰若放我子  
與母歸當即從汝賊依其言韓度母子去遠即  
毒罵賊遂遇害

李七孀文昌通槽人李子貴女少失怙恃兄宜春  
撫之年十六許瓊山黃務夜有強賊數十攻兄  
家女被擄義不受辱嚙舌求死昏迷仆地賊知  
烈不可犯解去項甦謂其兄曰吾被賊所擄不

死為何兄及諸親慰之迄夜防少緩自縊死

邢氏文昌水北都人黎天注妻注兄天池負租錢  
府差潘六符宗達行拘值池注他往六等窺邢  
姿色拘之去嫂韓氏求代不允邢一子方在襁  
褓與其子訣曰我此去無復見汝矣流淚付韓  
抱回縛至東坑值晚投宿宗達潛囑歇家勿與  
邢內臥且稱無油氏脫衣易油明燈達旦誓同  
明滅六等不敢近次日迫至宗達家妻與氏有  
瓜葛願同寢宗達強置別室氏大痛哭少息六

果來犯氏爪六舅流血大罵六懼而去是夜縊  
死宗達移屍山麓地方聞官驗實往迓六日面  
色如生事聞直指擒解潘六符宗達擬死道府  
建坊旌表士夫有詩及鄭廷鵠有青燈記

林氏文昌人吳世傑妻年十七歸傑甫三月而傑  
故父母以家貧強之再醮矢不二適哀泣潛出  
屏婢更衣自縊而死翁憫其節移棺與傑合葬  
吳氏文昌人韓文濬妻年十六歸韓適海寇許萬  
載掠境氏與翁俱被掠趣之行不從撞石而死

賊忿刃其屍未及殮七日死肉如生父老悲之  
李氏臨高英丘人許希曾妻年二十二海寇登岸  
氏被擄不受辱抱柱罵賊遂見殺

楊氏臨高博文人馮啟妻年二十八海寇掠村氏  
抱子出奔被擄逼犯不從賊殺其子威之罵賊  
不絕見殺

馮氏會同人彭裕妻裕卒氏年二十殯畢自縊死  
王氏樂會下小人黎邦佐妻因夫與丁沉死流馮  
渡報至逕往其地投河俱沒夫妻屍骸沉滅無

踪知縣劉叔鰲哀之立有旌烈碑記

史氏萬州人生員張鵬翼妻年二十翼遊學於粵西書院病卒訃聞史慟哭屢絕而甦棺至即夜自縊于喪側申聞撫院立祠旌門

陳氏萬州人紀欽明之妻年十七歸欽廿四年欽歿氏悲哭即欲偕絕母防密佯為不死次日母失防竟自縊以從鄉人高其烈為之祭奠合葬李氏崖州人年十八許訓導馮廷器男病卒誓不再嫁哀毀甚夫喪過門自縊死父母憫其志妻

### 棺同葬

劉氏崖州生員伍嶽妻伍嶽丁酉科舉渡海覆舟劉聞變哀毀數日而死撫院表其閭

湯氏崖州士卒丘鼓子妻丘卒哀毀骨立旬日不飲食罄家貲為棺衾費葬畢自縊以殉

### 國朝

黃氏澄邁庠生王紹寰妻年二十一順治十一年氏遇黎寇擄去誓死不往被割髻刺股厲聲罵賊再斷兩脛刺腹而死邑令周霖吳翹相繼申

文按院張純熙行縣立廟旌表之

陳氏澄邁北橋入同知陳時政曾孫女大同府同知許汝都仲子耀斗妻也年方二十夫死僅生一女歸依母家矢志不嫁順治壬辰歲大祲餓殍填道母度難存活欲奪其志私爲受聘將娶前一日氏知之抱女慟哭給之出外縊死

王氏樂會西隅人生員周從吾妻年二十八有德容值海寇林錄惡黨錢朝選帶衆入門捉從吾出外至夜不歸朝選兇坐威勢異常氏慮夜間

難免汚辱呼其家人急辦酒飯潛入臥室縊死聞者慟惜

謹按死以殉節女之不幸也夫剛柔正氣尚難得之鬚眉乃偏鍾於巾幗詎可少哉嗟乎古人不輕責人以死然惟捨得死故做得好事亭亭壺範皎日爲昭矣

守節

明

王氏文昌南溪人韓喬芳妻成化癸巳夫卒年十

九寡始終一節

韓氏瓊山西廂人大學士子丘敦妻文昌韓繼芳女成化癸卯韓年二十四敦赴京入國學不得歸因娶羽林後所舍人徐恭女為側室離家凡八年而卒徐亦年二十四相與守寡老而不渝田氏前所生員鍾秀妻年二十九寡無子奉親孝為鄉里稱羨年八十餘終

朱氏海南衛鎮撫舍人陶懋妻左所百戶朱燦之姐年三十寡甘貧撫教遺腹子鈺嚴整為族請

婦所憐

路氏左所千戶舍人王珏妻同所百戶舍人路崇女年二十一寡無子誓不再醮終身無議

韓氏瓊山人陳菊芳妻年十九苦節孀居父母窺其家窘倍與資奩強之改適氏痛哭撫孤誓不再醮及母私受林聘以病誰歸氏至門不入而返督訓兒孫自官家里移築溪仔墓場泣掃老卒毫無玷淄士夫張學顏稱其完節可比栢舟海大恭人謝氏瓊山人庠生海瀚妻年二十八寡

子忠介公瑞纒四歲家計蕭條謝矢志鞠育日  
夜勤女紅授以孝經學庸諸書長就外傳少有  
戲謔必嚴詞正色誨之後官至右都御史皆謝  
之教也。丘氏忠介公續娶年十四佐公歷宦  
善事謝恭人二十八守孀撫孤孫以承嗣併附  
張氏瓊山東廂一人唐世興妻隆慶六年倭賊攻  
海口八村時興父被賊傷興持棍抵敵救父賊  
砍興死氏年二十七堅志貧孀零丁孤苦四十  
八載守如一日七十餘卒氏與其夫蓋孝節難

雙云

周氏瓊山西廂人生員潘積妻年十八歸潘越三  
年喪偶哀毀欲絕強留餘息孝奉舅姑撫養遺  
孩教之成立其節與潘孝廉之母並守一門間  
里稱為雙節

王氏瓊山人舉人張玉妻賦性醇謹粗通文墨年  
二十適玉逾六載玉會試道卒訃聞哀毀欲絕  
柩至朝夕泣奠坐臥不離或勸再醮氏抱遺孤  
用拯哭而拒之曰石爛海枯方始移耳居常績

紡不綴橫經教子嚴明淑慎四十年如一日壽  
六十二卒

林氏瓊山人廩生陳鉞妻侍翁姑以孝聞年二十  
九鉞故欲費志以殉左右防之密勸曰孤未成  
立勵節何妨遂苦志孀守課子宗濂宗濬鄉薦  
宗洙宗泗遊太學人共稱爲賢母享年七十餘終  
馮氏瓊山人生員張希曾妻年二十二曾亡剪髮  
入殮誓不再醮苦節自甘閨則克謹立嗣撫孫  
閑以禮教孀居五十餘載人無間言

鄭氏瓊山人謝有馮妻年十九生男過月夫故苦  
節孀居紡績自給年六十餘終

林氏澄邁那蓬人王康妻年十五適王二十寡堅  
志無他撫二孤成立

董氏澄邁倘驛人李一根妻年二十二寡母累以  
意逆堅節不從撫遺腹子果端爲庠生

朱氏文昌人韓機訓妻年二十寡遺腹生男鉉勤  
儉撫養長娶婦葉氏生一孫未幾男孫繼歿姑  
婦相依爲命朱氏逾七十而死家甚窘不能具

棺棄代棺殮載日夜號慟鄉人哀之備呈官司  
給銀助葬

王氏文昌人韓節儉妻通孝經烈女傳言行端懿  
年十七適韓二載而寡無子茹苦事姑居處一  
室無大故不踰門外雖親眷不妄接姑歿殮葬  
如禮父憫其無依迎歸坐卧一榻不移憂戚終  
身不敗五十七而得疾卒

朱氏文昌人生員王賓妻千戶朱廷珍妹年二十  
四寡奉姑鞠子畧無怠志孫王懋德登第

陳氏文昌白廷人生員林希翰妻年二十生男一  
閱月而寡黽勉婦道善奉繼母壽五十子椿歲  
貢任廣州府訓導孫有聲曾孫兆李俱以文學

鳴世

唐氏文昌人生員趙元妻年十六歸趙孝敬公姑  
二十五歲元故斷髮孀守甘貧守孤壽享七十  
二終

黃氏文昌人林梗妻梗故孀居撫穉孤以成立壽  
九十有四而終

唐氏臨高人王原愷妻唐舟姪女知書嫺禮年二十五愷故守節撫孤教子義方子佐以文學名世誥贈宜人

莫氏定安人周宣妻年二十寡矢志毀容潛摘髮髮日漸以無垂老人呼為光頭婁正統間縣次上聞

吳氏定安人程時皞妻年十八皞卒育遺腹子曰文裕或諷以他適則撫孤號哭孀居二十餘年冰霜愈厲

李氏定安人吳邦光妻年二十二光赴科途卒氏矢志撫孤姑以家貧欲氏另醮氏乃傷其面貌示不成人以堅守節

徐氏定安人黃懋謹妻年二十一喪夫孝事翁姑栢舟自矢始終如一

楊氏會同人王標妻標卒氏年二十四父母強嫁截髮毀容以誓嘗手撫子曰吾豈惜一死所苟延旦夕命者為汝未成立也性嚴毅兄弟妯娌非時不見常課讀耕勤女工足跡不踰閫外

莫氏會同君丁人王順言妻年十九夫故生遺腹男苦節孀居男長隨卒氏鞠稚孫成立水操無間縣尹陳瑄贈詩壽九十餘終

王氏會同人別駕王繼昌孫女庠生黎嗣顯妻顯卒氏年二十孀居自甘臥棺不離事姑至孝養姪廷諫繼宗教之成名

黎氏會同大樸村人生員王式先妻年二十二夫故矢志守節始終不渝壽九十五歲卒

黎氏會同縣人王珂妻即老寡婦黎氏仲子媳也

年十七歲夫沒守節至七十七歲卒

黎氏會同縣大禮村人生員王起龍妻年十八歲夫亡守節終身至六十三歲卒。以上三人本

縣公舉入志

吳氏樂會上北人生員王廷訓妻年二十六聞報夫死初欲以身從厥後哀至喪身其子何有任臨川主簿孫日丁領丁卯鄉薦人咸以爲貞節報云

王氏樂會上小人符于筠妻年二十二筠卒時子

文鐸在抱有表兄陳姓強其再醮氏斥曰孤兒  
猶荷珠然動即傾矣守貧至老其子文鐸為邑  
廩生

周氏樂會人庠生王慶金妻年十九慶金故氏不  
欲生但念舅姑垂老代夫盡孝奉養撫姪振基  
繼祀克成姑志施上寨河渡以濟行人鄉里稱  
便立碑記之享年七十

文氏萬州千戶張滌妻適張四載夫卒哀毀骨立  
事姑鞠子父母不能奪無何姑子相繼歿四顧

踴惶猶然忍饑紡織歷年七十完節而終宗隣  
高其節募金助葬

符氏儋州生員蕭鞏妻年二十五鞏逝符寡居事  
姑孝嚴訓遺孤汝仁後歸寧母欲奪其志撫孤  
自誓曰若棄此兒何面目見夫子於地下守志  
二十二年卒士夫有詩美之

林氏儋州人庠生蕭文慶妻年二十九夫故苦節  
奉姑撫孤交母欲奪其志自誓以死教子鳳有  
成材七十而卒

陳氏儋州生員沈卿妻年二十二卿逝誓不再醮窮織養姑居喪如禮鄉人難之

朱氏儋州百戶陸剛妻年十八歸陸逾六載而陸死王事守節撫孤成立四十餘年人無置議士夫有詩以咏其節

徐氏儋州人蕭鳳妻年十五歸鳳逾年二十五鳳卒撫孤有成壽八十四終

沈氏儋州所入李尊妻年二十尊歿誓不再嫁孀居奉姑教子入泮猶及孫試出仕享壽九十

陸氏儋州貢士胡允謙妻年二十五夫故無子奉翁孝翁惜年幼命再適氏曰寧無子守死豈肯改節玷名孀守終身壽七十餘終

劉氏儋州人廩生蔡榮妻年二十六夫卒事姑孝矢志孀居生四子長克剛次克弘三克敬四克恭教誨成名三子俱登宦籍一子克弘郡庠人皆謂母德之報壽八十餘終

曾氏儋州人生員何羽翔妻翔失偶續娶氏僅四年赴省試卒遺前妻子六歲氏子二歲誓不再

嫁教二子俱貢人無疵議壽八十三終

湯氏儋州人生員翁承祖妻賦性慧適翁七年翁赴試卒于省氏守節育孫訓誨八庠赴試卒氏兩遭家難極力挺持壽八十七終

林氏儋州人生員李培春妻知州林世清之女適春五載春亡氏方二十二歲僅生二女矢志守節有兩弟不能自立氏支持門戶弟以官事傾產氏捐田以救及議繼氏釋其姪之賢者延師設館訓其嗣子與族內子姪嗣子與胞兄皆入

庠年八十六終

符氏儋州人生員曾廷璠妻年二十二夫赴科途卒氏生一女數月夫櫬歸欲死殉翁姑止之矢志養女侍親俟弟有子立繼其貧茹苦不爲激烈之行族人稱其懿德年五十卒

王氏崖州百戶王炫女解書義少時土舍黃邦憲求婚不嫁人問之曰此身須待良配豈苟圖踰年四十官舍陳何又求儷曰若身已暮何嫁為壽七十餘終

王氏二女崖州關西人王瑋女也一適梁一適楊  
皆士人俱蚤寡誓不再醮戚屬挑以言無異意  
各撫孤成立以壽終人稱爲王氏雙節云  
張氏崖州人何伍妻監生張玘之女年十九何歿  
無子孀居豪門屢求聘諸兄弟欲奪其志投閣  
不從壽七十終

范氏崖州千戶所范經之女蕭炳之妻年十九炳  
故哀毀欲絕父母憐其年幼欲改嫁氏誓不從  
居久知母終欲奪其志遂回夫家閉門紡績不

歸寧五十六終

按婦人從一而終弗履二庭匪異也舊志唐司

徒有云呈報太多恐讀者未終篇而思睡詎  
苛論歟今所稱年幾何而寡者纍二簡牘慘  
似孤鸞平同白豕可勝道哉獨其間茹荼殮  
饑形依影吊總以行一念之是而不詭於正  
何嘗乏人我輩揚今於古猶不能認一是字  
可不是其所是乎

孝義

漢

初孀者舊志失其鄉貫氏族只云珠崖令前妻女也年十三繼母連大珠為係臂令死喪還漢法內珠入關者死繼母棄之其子男九歲收置鏡奩中關候索得珠吏曰誰當坐者女意繼母所置乃進曰父不幸母已解棄初惜而置之奩中母不知也初當坐母爭曰此珠妾係臂也君不幸妾不忍棄何與於女妾當坐因皆哭痛哀動路人吏執筆不能就一字關候亦垂淚曰母子

有義如何忍加文後訊乃知九歲男所內遂釋之

元

蔡九孀瓊山千戶蔡克憲女有姿色解書義年十一喪父擇配越三年不嫁多勇畧元末寇亂統父兵保障鄉里未幾陳子瑚陷乾寧郡邑九娘固守不下日久力竭泣謝鄉人曰賊帥新得郡城不守而來為我也我死則禍息矣間投入鋪錦岩避焉子瑚怒以草塞岩口縱火熏之九娘

死岩中

明

林氏瓊山增生陳輔妻年二十寡紡績鞠孤適海寇許瑞舉火迫至其家氏解衣僱人救出夫棺避賊過河舟溺捐命援妹險危不渝守貞課子壽年七十八

林氏瓊山人儒士陳盤妻年二十八寡孝敬翁姑拮据課子母憫其困苦勸以他適氏持力刺臂姑疾焚香拜禱願減己壽以益親齡令子紹文

遊泮成立母之貽也

丘氏瓊山人貢生丘崢之女痛父無嗣不忍字人嘗依膝下隨父任廣西思恩府訓導父歿扶櫬以歸卒於徐聞年三十八歲道府旌曰女孝垂芳

韓氏二女文昌臨佃鄉人韓良可之女長年十八次十六皆有姿色至正間陳子瑚寇亂母兄皆遇害二女潛奔草莽中至江側長顧訣曰家旣破寇且逼汝能遁聽所往吾寧死不可辱次泣

增廣  
日兄母既亡惟姊是依姊死余將焉往携手同  
溺江水而死

路氏文昌青瀾所百戶高亮妻左所百戶舍人路  
琮女年十九歲寡孝奉瞽姑得其歡心正德甲  
戌所為申聞

韓氏文昌水北人雲昂妻年十六寡遺腹一女或  
憐氏幼家貧勸之改適峻拒之堅志守孀事翁  
姑若供甘旨視瞽孀如同胞撫孤姪如已出年  
九十三卒

潘氏文昌人廩生韓文源妻年十六夫死適海寇  
何喬掠境文源陷死于賊氏市牛酒犒官軍追  
擒四十餘寇以報夫讐既而茹苦鞠孤紡績奉  
母即八旬如一日里閭稱為節義之婦

蘇氏臨高黎畔人楊應妻年十八應以誣陷死以  
父母孀氏氏日夜哀夫幾至骨立勤紡績以奉  
舅姑送終盡禮撫其內弟以資耕贍垂老人無  
間言

王義姑瓊山人吳俊妹適舉人王李明明卒姑年

二十四寡復歸吳撫孤姪明誠如子教以成名  
領正德鄉薦姑卒誠服三年

按孝義天性也非學而能韓氏二女與初娘之  
母若弟甘心斧鑕視孔北海之母子兄弟一  
門爭死何以異哉蔡九娘潘氏林氏殆孝而  
勇勇而俠者矣彼持刀刺臂其磨笄者流歟  
若夫義姑孝女或切劬勞或深友愛即詩書  
所稱未敢多讓云

附



